

温州府志

ル 5
1571
17



門
孫
卷
1371
17



温州府志卷之二十八 上

藝文 御製 賦 詩 詩餘

載籍於今浩繁極矣地志與人家譜牒不同藝文一門固可全省然覽者動謂考獻徵文非是莫著即星一漏萬猶足為人士觀法之資且志體兼左右史但紀事不紀言可乎今依舊志類聚羣分為上中下三卷名山大川前賢古蹟記序詩歌實不能俱錄也志藝文

御製

國朝

温州府志

卷之二十八 藝文 御製 一

贈廕熊應鳳制

奉

天承運

皇帝制曰朕惟任賢使能崇功尚德乃國家之大典乘機
邁會達變通權誠明哲之芳踪茲爾熊應鳳爾四川人
原係遊擊陣亡空銜授與拖沙喇哈番與男熊天琳承
襲再准襲一次註入浙江温州衛左所
康熙六年正月二十四日

諭祭文

維康熙六年二月 日

皇帝遣浙江布政使司袁一相

諭祭原任温州水師右

營守備陣亡贈遊擊廕拖沙喇哈番熊應鳳之靈曰鞠
躬盡瘁臣子之芳踪卹死報功國家之盛典爾熊應鳳
賦性忠直國爾忘身禦敵衝鋒奮勇陣歿朕用
悼焉特頒祭葬以慰幽魂爾如有知尚克歆享

諭祭贈副將魏萬侯文

維康熙十八年八月二十日

皇帝遣浙江温州府知府王國泰

諭祭都司僉書管遊

擊事殉難贈副將魏萬侯之靈曰鞠躬盡瘁臣子之芳
踪卹死報功國家之盛典爾魏萬侯賦性忠直國爾忘
身值逆賊之構亂勵臣節以彌堅臨難不屈甘心殞命
朕用悼焉特頒祭葬以慰幽魂爾如有知尚克歆享

歷代御製

梁

武帝答陶宏景詔

省疏并見周氏遺蹟真言顯然符驗
前詔二三明白益為奇特四卷并留

之見淵文并具一二唯
增讚歎十二月二十日

宋

真宗賜張無夢還山詩

先生羲皇人辭我將安適自言
歸東甌擇地煉秋石白雪流瓊

漿黃輦湧金液火候契參同變化
合周易丹成未上天應須待飛鳥

藝文

御製

二

徽宗賜林靈素書

元符三年冬內人自泰陵還指皂莢一籠入宮門籠輒自躍皂莢皆跳出

是崇物顯行宜善治之勿為髡徒所笑

甯宗東宮賜陳傅良劄

竊審抗章得請暫爾閒佚啟行有期輒以白金百星聊充贐儀

輕免為愧指留幸甚乍遠倍加保愛至祝

明

太祖御祭温州千百戶文

日歷代設兵衛在乎禦侮職於斯者則有櫛風沐雨野宿

風餐披堅執銳之勞以其臨陣也則有捨父母忘妻子奮不顧身乃能克敵功著史冊名冠天下如此者實古名將已然之事是故家榮貴國磐石至今昭昭朕統天下以來中國方甯法前人之所為守在四裔自洪武初至今倭變數為寇於海濱生離人父母妻子損傷物命特敕爾等聽將軍靖海侯吳楨令舟營海上以靜方隅夫何朕政有缺天風大作怒號於滄溟之上爾乃恪恭將命信地弗違是有檣傾楫摧舟

碎爾亡然生死之道世人之常得其死者既廣不得其死者甚多今爾諸人為國為民而殃及於身事雖如是不為泛然訃音一至朕將安措雖感傷於衷爾生安得而歸故特遣某官臨海設壇致祭仍命僧眾備設道場追薦爾魂使有所歸凡有官者則祿爾子孫軍士父母妻子則給糧養膳靈其有知承此祭享

文皇帝賜都御史王宗遠南還詩

三年政績萬家安指點金陵是故山驄馬

嚼銜得路去蒼生懷德帶號攀神龍一別支離見鵬鳥孤騫來下難幸有遺碑在公府時時贏得姓名看

宣宗賜少保大學士黃淮致仕入朝賜遊西苑詩

天香早折

仙桂枝筆花五綵開鳳池蓬萊之山直奎壁近侍九重天咫尺永樂聖人臨御初鞠躬稽首陳嘉謨仁皇監國文華殿左右謀猷共羣彥朕承大寶君萬方相與共理資賢良傾心寫誠任舊老而卿引疾先還鄉五歷星霜復相見兩髯蕭蕭秋滿面朝旭光升紫殿明相對清言良慰情留之累月不盡意歸心又欲東南征太液清冷涵碧藻楊柳芙蓉相映好鳧鷖鷓鴣弄晴波紫霧紅雲拂瓊島芳馨在俎酒在壺工歌鹿

鳴續白駒君臣大義士所重心須廷闕身江湖鴈蕩
峰高清不極中有謝公舊遊跡采芝斲苓可長年應
在天南
憶天北

瑞香花詩賜內直錦衣謝廷循有序 瑞香花有數種或紅或白或紫蓋

唐宋人多有賦咏之者予亦見諸短篇云 瑞香花葉如織其葉非一狀花開亦殊色或如瑪瑙之殷紅或如玉雪之姿容或含淺絳或深紫細莖疊萼芬玲瓏臘後春前花未放先春獨占梅花上繞枝芳意露穠穠萬卉千葩總相讓瞳矐旭日照堦墀淡蕩香風拂面時初疑沉檀藝寶鼎亦似蘭麝薰人衣瑞香花樹高三尺強山桃野杏動踰丈得似幽叢紛馥香

水亭詩賜謝廷循臨流亭館淨無塵落澗泉聲處處

頭雲翠迷洞口松干箇白占林梢鶴一羣此地清幽人不只留風月與平分

樂靜詩賜謝廷循暮色動前軒重城欲閉門殘霞收赤氣新月破黃昏已覺乾坤靜都

無市井喧陰陽有
恒理斯與達人論

早朝詩賜宸宮監吳景芳有序 方今海宇甯謐朕

樂事茲賦早朝詩一律特賜大監吳景芳以紀意云

曉月流輝照袞衣九重曙色正熹微禁鐘纔起羣仙集韶樂初鳴綵鳳儀柳外祥鸞隨羽蓋花梢香霧護龍旂雞鳴矣咏傳千古誰羨陽春和者稀

松間白鶴詩賜吳景芳直幹千尋青插天羽衣肅肅

頂腥紅曠紫煙幾陣秋風聲淅瀝數匝夜月影踈蹊愛渠動植雙雙好移上金門壽萬年按景芳泰順人

世宗答張元輔報敬一亭成詩亭石森嚴立史堂欲從

心先正治國原夫學有臧敬矣誠哉須警勵純乎一也勿乖張忠賢同心匡爾辟邦奠民安為祖光建亭名敬一地維白玉堂純疵須力審誠怠必精詳欲存終始念翻恐私欲妨賴爾希說臣副我朝夕望美調必鹽梅作聖須臣良爾其交修子庶幾免愆忘

秋日卽事詩三章賜元輔張羅山

秋露涼風序已遷老農獲稼喜盈田

待到倉箱封溢後漁人樵叟共懽連肅肅西風報

素秋訓將操戈慎圍郵士餉充足鐵騎壯怡然方可

緩吾憂拂樹金風動袞裳滿天商吹起

新涼農家萬寶收成後十里遙聞禾黍香

蠶勤室娟將迎新

歲至為欣萬物鮮

蠶樂詩賜張元輔

蠶樂當今日金門宴禮宣嘉平殷典著清祀夏書傳勞農休田叟浴

饗太廟禮成賜張元輔詩

戊子新正吉春饗祖廟親祀事忻已成肅駕廻宮宸

登輦偶回顧輿南一輔臣貌奇真才傑形端氣志伸

外焉秉貞一內則抱忠純誠正輔吾躬清白飭乃身

子喜荷天眷賚賢作邦珍庶幾臯夔輩望以康斯民

大明壇分獻詩賜張少保

戊子春正吉郊祀禮祇行陪神日為首陽宗日大明

良輔承獻奠少保捧香羹神鑿昭有格為喜不勝情

遣祀孔子詩賜張少保

聖祖垂典則仲春祭宣王茲予纘大服稽首罔敢忘傳制

命輔臣歆享鑒忠良堪嗟老松栢空蔭我師堂

祇先蠶壇位賦賜張元輔

朕惟王業兮農桑為先我欲務本兮志未克前乃此苑中隙地兮是為文祖之宮原即於其內以事耕織

兮聊以示無逸而不敢怠愆同元輔以暨秩宗兮謀惟吉全當陽春而仁風播和暢兮草木芊芊以詠以游兮於樂康年仰遵我聖訓而同游兮惟賴忠良以夾持為顯庶俾

朕敬承乎昊天

諭祭國子監祭酒王激父封右通政王鉦文

惟爾資性溫純行履方潔邱園晦跡鄉里稱賢善錫厥躬慶鍾令子

蜚聲甲第洊歷華階義方足徵褒章屢錫允惟壽考久享安榮茲以令終夫復何恨爰推子績賜祭

爾靈仍命有司為營葬域九原不昧尚克歆承

諭祭太僕寺少卿姜立綱文

爾以秀穎之資通敏之器列官禁近幾四十年

由郎署而貳卿階侍經筵而預編纂操心匪懈奉職
惟勤顧委用之方殷乃乞歸而終制竟以毀傷之過
遂成長往之悲訃音來聞良用悼惜追念往勛優
爾恤恩特命有司為營葬事遣官諭祭尚克歆承

憲宗論祭章恭毅綸文

維成化十九年十二月日皇帝
遣浙江布政使司左叅議張敷

華論祭於故南京禮部左侍郎章綸曰惟爾發身賢
科歷春官屬曩因抗言逮繫卒以事白復官超拜亞
卿以旌爾直顧委任之方隆遽引年而休致優游鄉
里以享遐齡云胡一疾溘焉長逝訃音來聞良用悼
惜特命有司為營葬祭
冥靈不昧卹寵其承

賦

宋

謝靈運歸途賦

昔文章之士多作行旅賦或欣在觀國
或休在斥遣或述職邦邑或羈役戎陳

事由於外興不自已雖高才可推求懷未愜今量分
告退返身草澤經途履運用感其心賦曰承百世
之慶靈遇千載之優渥匪康衢之難踐諒跬步之易
局踐寒暑以推換眷桑梓以緬邈褫簪帶於窮城反
中褐於空谷果歸期於願言獲素願於思樂於是舟
人告辦佇楫在川觀鳥候風望景測圓背海向溪乘
潮傍山悽悽送歸悠悠告旋時旻秋之杪節天既高
而物衰雲上騰而鴈翔霜下淪而草腓捨陰漠之舊
浦去陽景之芳蕤林乘風而飄落水鑒月而舍輝登
青田之枉渚逗白岸之空亭路威爰而詭狀山側背
而異形停子舟而淹留搜縉雲之遺跡漾百里之清
潭見千仞之孤石歷古今而長在經盛衰而不易

唐

顧况莽墟賦

大歷迷者至莽然之墟也前山極高猶在

澆沙倒壁掛松靈蔕接波乳竇滴瀝芝房駢羅野火
不鑽枯木戛摩陰岑膠加流響滅華陽圖豁寥上景
澄霞何意萬里之荒谷兮有此數百家此家何代圖
記不載為當去殷為當避秦商山老人不為漢臣豈
知人情之險鄙征稅之愁辛迷叟歸到家持辭不可
陳兒征防丁女事東漚神龍吟兮鳳舞莽墟之所超
逍遙以容與

宋

王十朋雙瀑賦

王子遊簫峰之下訪鼻祖於仙籍駐杖

歇飄風迅擊飛泉洶湧怒流湍激噴煙霧於蒼嵐吼
龍蛇於大澤百川震而澎湃萬馬紛其辟易疑若傾
巖轉壑變止谷而為陵又類萬馬千兵奏鼓輦而赴
敵久之狂潦微殺巨流順適靈源復尋於故道雙派
交馳於絕脊勢偶殊於卒合路難分而稍迫玉筋垂
兮拂衾寒長紳拖兮蘸深碧疑若鯨鯢怒鬪兮力未

決而方酣干鏌爭鋒兮光交騰而互射嗟天匠之施
巧兮作勝事於泉石顧一派之罕有兮豈雙流之易
得不見夫銀河落於半天兮破廬阜之山色梅雨飛
於石門兮厥芝田之靈跡潭干丈於石橋兮渺仙凡
之路隔龍雨湫於鴈蕩兮分大小而異宅彼獨溜而
孤飛兮猶擅名於今昔况並峙而爭流兮作人間之
連壁吾欲窮千里之源兮問化工之始闢思漢使之
不復見悵靈槎之難覓獨終日而登臨兮寄吾懷於
幽寂興雖盡而忘歸兮猶待於風清而月白於是目
瞬飛流之末耳洗寒潭之側思往事之微茫仰遺風
而歎息竈中煙冷難尋入竹之人峰頂臺荒不見吹
簫之客賦罷乃歌而歸曰雙瀑之水從何來靈源千
尺高崔巍飛流噴沫飄瓊瑰空山落日鳴春雷有客
來遊獨徘徊枕流漱石興悠哉崖襟濯罷飄然回風
清月白空簫臺

薛季宣鴈蕩山賦

溟渤轉乎東南鴈蕩鬼其高峙抱層

巒隔一塵摩空下望儼若雲屯聊登雲以寄傲循石
磴之縈紆移顧步於觀瞻瞥風氣之懸殊幽谷之中

別有天地石笋排空而刻翠瓊館憑虛而綺麗微埃
 不入其方寸尺土不留其度內峰夏雲之競秀均倚
 劍於空同崢萬仞之峩峩羅巧妙之籠從粵若遠初
 天愛其道靈雲秘秀孰知其寶傳西域之仙書肇栖
 神於羅漢蹠人寰之緬邈極希夷之汗漫徧於幽獨
 蓋始得於唐僧之詠看之不足此樵翁之浩歎者也
 我國家太平興國之二禩天下車書始同有禪師曰
 全了庵廬初結於芙蓉行亮文吉鍾於前甌昂作尉
 從而後靈巖碧霄嶺岷而並露南閣白巖潺顏之盡
 剖起初凡七十有三年而後隴斷之不遺蓋成終於
 皇祐之已丑稱始開於祥符之伐木者故適當其會
 謂遷就於貫休之詩者見不臻乎首是知水鑿之為
 曉論又何知造化成功之不有乃其東望秀嶺道屬
 天台山川襟帶於四明風雲呼吸於會稽無非仁人
 三乘之峒宅誰能見其一日而數相往來其西則蓋
 竹雲門白巖白鶴魔君退舍而真宅始見至神入竹
 而誠明可作洞天高遠以誰訊福地潛通而匠度陰
 有柗溪其陽際海幹地軸之盤踞望天闕之斯在崖
 有千里之石壑有萬年之松金雀么而不大金猿線
 而多茸樂官羣處而和聲山羊歷險而純素若夫王

孫慶鹿鷹鷗鳥雀眾獸常禽之類他山既多有之茲
 故不詳其名數山之狀也崇倚青天峻連碧霄凌霞
 傑出於踈雲疊障牽連於紫極工如大巧持若小高
 三巨相形而峯嶸獨秀孤立而峩崱瑞星明而治世
 皆見霹靂轟而曠者不聞常雲舒而莫卷白雨霽而
 猶霧牛女從橋而星河夜渡雷張望氣而龍泉可得
 璧月懸空而夜夜常滿朝陽薄暮而光明烜赫貫香
 珠之落落起祥雲之圍圍玉峰高並於兩巒利孔開
 通於雙穴積翠合於拾羽之濛紫微居而眾星拱列
 觀架海之騰波浩浩望平霞之火炎烈烈苞有苗蓄
 菌有靈芝立笋圓而削玉丹桂茂而欒枝蓮花芬坼
 而木末可採圓蘿糾結而鱗比相銜其於人也總者
 如角直者如指圓者如臍蠅者如齒佛掌高而頂可
 摩神跡巨而武可履詣方丈而問維摩之居士行妙
 高而見香巖之童子龕巧合於佛影得又同於僧寶
 五通變化之有靈三清逍遙而適道天王朝祭而明
 堂斯在西真翔集而瓊臺莫訪對人道術之相忘朝
 賢仁義之為尚尋招賢之舊隱得侍郎之庵居觀音
 行而隨形示現羅漢遊而飛錫騰虛三傑隱風雲之
 會七賢從竹林之下五老來兮書籍校千聖會兮德

星聚朝天義重於尊君抱兒愛均於慈母爾乃展旗障日立戟排雲關弓飲羽長劍倚天射塚遠而破的馬鞍跨而絕塵文筆擅場於文會戴仁踐履於安仁寶印得之而如斗金鼎負之而調羹鼓橐籥而布化鳴鐘子而振聲碑摩崖而沒字鏡無心而鑿形乃有琢雙玉獻連珠咀文英讀靈書對棋枰舉覆孟振藥杵火茶爐盍簪加導於仙冠折角尚賢於巾子藏珠媚而淵水不涸爐藥就而羽人不死行道周遭於石佛栖真高蹈於迎雲空洞虛而無物雲霧合而神仙登有石城度有石梁入有天門窺有天窻有堂有室有斛有倉旌有石表蓋有版藏門樓高屹以起雲堯闕對峙以迎陽澡身其便於浴室修道何樂於禪牀考室而柱金蟲立蔽風而翠屏是陳版障駢而可隱行廊修而可循像有獅子鹿影靈龜鯽魚三燕頤頑而穿幕戲龍驤攫而含珠飛羣鳳之徘徊戲雙獅之矍鑠猴不可以加冠魚有時而登陸羚羊掛角以栖止回鸞騫翥以翱翔犬以警而司門貓以遊而存堂龍倦遊而或臥虎以蹲而更伏禦火共施於鴟尾照水熟燃於犀角天柱之峰上凌空碧其旁無附其址無蹶削貞珉而介出崇高切於青雲圓度於規直中

於緝望之者目極倚之者神驚疑共工氏之不作不周未觸而今存此峰巒之峇立者餘蓋不得而縷陳彼有同名而不相似者於彼吾又何言其水則二龍之湫東瀑西瀑合掌摩訶劔峰乳酪水簾眩目以舒耀新月弓彎而出谷清涼之滴滴無已照膽之澄潭可矚彼潭之泳者湖鰻或澗而流之筋竹決而下也銀河瀉而垂練委而去也錦文鮮而漬淥觸潛虬而聲韻鸞和激堆琦而波如皴玉委蛇而動行乎巖石之間者何容窮盡又豈祇清溪之幾曲也泉流之冠大者龍湫崖奔如仆氣凜如秋界青山而澎湃吸蕩水之宗流上擬青空下臨無地霏微雨露之飄散晃朗白虹之下墜乍垂雲而零露恍山崩而川至雖淮流破荆山之堰曾不足以言其髣髴衆水之淵發源鵬蕩厲魏巒之峻極浸山椒之修廣箴竹叢生以蒙翳娑羅挺幹以駢擁征鴻攸聚牡礪生之浮鐵船之蕩漾沉古鐘之逸響派旁泄之奔波羗不以五水九旱而為之消長傳或謂滄海此遺波焉今固莫詳於既往矣乃若浮圖天成古塔神造香爐旣設寶幢載好楞嚴飛大乘之典寶陀襲白衣之號高僧梵唄之和和仁祠金碧之相耀惟茲華頂花壇是陟居者有

積行者有食無芸仙者之田每駐遊人之屐然雖曠世而彌年未覩周游而陟歷者也爾乃樂成首路東驚幽尋絕白沙之古塞陟峭嶺之芳林秣馬於芙蓉之驛驅車於長嶽之原招提寶塔屏障橫焉千巖萬壑是途伊始扶筇竹以自杖屐登山而後齒於是奇巒卓犖怪岫崢嶸傍顧而塵心都息相羊而油然意生登寶冠之蘭若跨飛瀑之雙梁引仙簪而峩首哀燠爐之裊香前眺諸峰率焉亭直揖雙人而問道屈凌雲而一息九龍垂頭而來下梅霖飄洒而雰零洗予心之宿纍拂襟袖之冷望啣珠而返顧跨伏虎於石門里連霄之十五窺蕩水之靈源凝神寓日十里為近羣玉浮天全平一瞬度東岡之崇嶺禮化士於雙巒指游龍於戲鳳鏡三京而瞻寒大屏之下寺日能仁四溪交流並湊天門舞羣鳳之垂天儼華陽之挺立吞衆壑於朝宗拱萬山之環揖是雖奇峭無多焉固已冠乎羣峰之巖岌也羊腸回於六八俯在下之藁山羗有鳥而有花悟達士之微言匪繹之障隱若金城漢唐道隔言詡天升惟隱顯之有時殆匪由於人力何先古之神秘須後來之抉剔載旋予步溪澗攸行天柱華嚴接阜連岡躡層巖之鹿苑窮遂

逸之淵泉屏翠彩之蒼蔥聽天樂之喧闐仰大龍之懸水飛小雨之濛濛築尊者之優游得從容於下風指普明而回御探龍窟於飛泉勒馬鞍而東之望奇峰之隱天觀音大士如住虛空漠漠行雲如尋舊踪安禪之谷萬嶠宗焉大筆書空一柱擎天重樓俊傑以連慶雙闕當途以相向天聰玲瓏其四達自在慈悲而有像龍蜿蜒而歸洞離小湫而曳尾擁在定之薰聞鼻凹窪而出涕奮天然之鱗鬣回元造之頭顱諒茲山之多怪猶斯巖之匪如摩虎口以東游瞻石神而近止訪淨名於丈室挹乳泉而一洗乃觀初月乃下虛簾鮫人織素近在危簷閱靈峰之景物奇特亞於靈巖犀黑暗而通天龍神游而處潭五雲閣道應真矯矯谷有靈珠歛生芝草入會聖之巖崗仰虛空之餘訝信真如之可學烹乳茗而生葩金掌高呈亭亭空際訪三賢而景仰遂回車於真濟過胡公之棲宅遵靈運之迷途造石室於東梁高禮佛之勤渠亭白箬而下道窮三閣於蕩陰忘散漫之岡巒蓀蕪隱於追尋北有白巖石溪九折仙橋跨焉巖影絕斯蓋水之奇也履芝田而種玉煉爐火以飛霞企時人之不及厭時俗之囂譁過湖坑於南閣裁土藏之

繫爾多士琴瑟休期瞻孔廟之翼翼奉浴化之熙熙
 於斯音者必知金聲玉振之序得於心者必為始終
 條理之思豈徒習其音節若矇瞶之瞽為者哉歌曰
 於穆兮碎雍肅清祀兮香芬將從攬蘋藻兮薦芳撫琴
 瑟兮鼓鐘樂奏兮備舉工歌兮容與噫嚶兮厥聲神
 縉紛兮來兮尼山兮崇崇石巖巖兮雲溶溶樂之成
 兮猶有紉倚君
 子兮思無窮

章嘉風潮賦

嗚哉嗚哉白斷鯨以來不知其幾千萬年
 嗚而目擊深神惕而心慄惟秋云孟節丁中元欵飛
 靡之燦怒發土囊而轟厥健六鷁之過宋鼓大鵬之
 前遷白犬為之出穴鷄鷄為之止門疑神女符灌壇
 之夢嶺瑤堞而颺煙於是雨拳疾雲脚暝陽烏韜光
 朝瞰翳景變蹟錯迤吸吸崔嶺海若怒天吳猛馮彝
 奮儵忽騁巨濤傾雪摧撞覆艇乘浪灑瀲瀲瀲洞滌
 牛魚起毛鱗鱗縮頸崩乎隄闕而肆瓦雷煦煦兮湧
 濤濤之沸鼎恍若倒三億三萬三千五百九十一處
 之泉源一時迸入乎此境假令千臺駘而莫障百神

禹而莫拯欲效愚於捧土兮難塞孟津之漲欲展計
 於負薪兮始類劬子之青俄而混汪漭迷田疇圍山
 嶽汨陵邱木登塲而梗泛茅呈林而杼浮片片翔駕
 瓦層層壓蟹樓小屋如岬塊大屋如行舟積蟻蚩者
 羽化為蜩像之所消海重曠睽而無度馬銜蠶豈而
 示妖黔首掣掣漣漣度以屑沒諒亦負穢虛誓之由招
 又屈原於楚澤狎妃女於湘流魄魂飛莫儕謫仙
 於采石膽落神怯茂並伊川於涪州第見飄萍之男
 女尸千萬而為儔白江之斃不是過肥水之劍不能
 倅縱脫身於魚鱉亦鳴慙於鵝鷓及乎天地融朗湯
 侯弘納幸蟻命之再生駕鮓福之葉葉搜遺軀於狼
 藉歷尸堆之稠疊掩鼻泚頰躩躩攝屣囊纒纒兮莫
 親量嫵媼公莫接容儀眇眇於審觀衣冠髣髴於揣
 拾故乃妻三屯兩血眸淚頰厚衣薪而火葬悉幻化
 於灰劫哭聲振海岸而替替怨氣摩秋颺之獵獵間
 有罄亦族之嗥類收白骨之無人烏鳶嘯食而跼跼
 豺犬噬啗而踐陵穢脂沃地家殄干雲天陰雨濕螢
 攢野燐焄蒿悽愴號咷紛紜日甚愚氓之駭風傳訛
 語之囂將出鄉死徙之迭見必凶康飢饉之薦臻噫
 歎欽陶唐有懷襄之水變狹之以風則上竄下巢皆

湯屬人其為魚食成周有動威之風使灌之以水則
 木坂禾傳曾遠濤其何由豐歟厥今風起水湧亘古
 所無天生蒸民養之何辜太宰冥冥無主宰於其
 間平若夫豈憐君子民之父母盍亦煽陽和於寒互
 之餘傅皮毛於滄冥之後推弔死濟生之心垂拯溺
 採飢之手均減賦而蠲租母遠薄而適厚吾聞夫關
 淮泛濫德輿請持節而勞來河雒彌漫務光陳崇祀
 以引咎繼踵芳躅兮追華踪疲瘥殘疾之遺黎將歌
 黃童而舞白叟豈政馨於宸闕渥簡注於旒纒爾乃
 五風十雨揚靈輿道永海晏而河清麟鳳郊兮龜龍
 沼

明

王光蘊江心賦

惟東隴之肇城環九斗以鍾靈
 於他郡志幽勝於圖經相茲
 化城屹迴瀾兮砥柱宅鯁室兮滄溟我兩
 貫川流兮孤嶼攸名緣歇師之演法化龍
 其東則扶桑浴日望渺蓬瀛靈崑鰲立掛
 南則城闔萬井百雉天平吹臺掩映笙鶴
 時鳴其西

則羣峰秀簇甌嶺霞頰飛鳧浴鴛夕照波明其北則
 永寧屏展羅嶠浮青千家煙樹綠遍芳汀挹長江於
 天塹噓寶界之衛城信炎州之絕境埒金焦而齊稱
 占恒河以住世籍檀那為梵宮海天澄其上下浮圖
 樹於西東為殿為閣輪奐鬱蔥若桴若棧浩蕩晶融
 址盤神魚之負阿翔蜚鳥之狎範揚三車之績陰圍
 萬木之叢疎鐘覺乎彼岸慈航渡於閭風窈窕旋於
 迴壑微茫漾於太空奇窮海國妙奪天工卽品題之
 標異揆賞嗜之攸同彼康樂兮五馬亭孤嶼兮謝公
 追少陵兮絕唱弔文山兮孤忠駐宋蹕兮信宿觀碧
 宇兮猶籠地因人以表勝遂流聲於寰中嗟人生之
 寥廓感駒隙之匆匆納須彌以芥子委大化於玄通
 美靈區之天作乃賢哲之遭逢修百廢於羸羨燦物
 色之鮮濃更名流之載筆羣播咏於詩筒若夫春陽
 熙熙江蘼萋萋林花眩目童冠振衣飛香散馥杯酒
 淋漓則祇園之幻景也洪濤簸激馮彝御風騰螭落
 鴈掣電飄蓬驅馳海若倏忽鴻蒙則覺海之駭觀也
 霧斂雲銷月明千里萬頃玻璃碧天如洗塔影中流
 憑欄徙倚則蓮臺之妙界也寒雨栗烈千山飛雪玉
 樹珠輪長江皎潔百炬夜燃靈光殊絕則西竺之莊

嚴也煙雨瀟瀟四顧沈寥菰蒲錯落細網輕舸須臾
 爽霽漁歌招搖則却岸之靡波也材官水戰金鐵交
 錚岐亭悵別陽關互聲勞紆聚散泡沫風萍則迷津
 之涅障也繁四時之殊侯兮紛萬象之參差乃遇日
 而銜奇兮舉中川而萃之騁幽深於曠覽兮將動靜
 之咸宜睠蓬壺與弱水兮率杳冥而難期抑山靈之
 所秘兮奇神想於終疲快茲邱之孔邇兮橫白露於
 中溜隔繁華於四水兮一折葦而可歧翹蒹葭於極
 目兮睽彼美而興思溢吾遊之有託兮豈徒侈夫玩
 時擷渚蘋以為羞兮紉臯蘭而為縞懷忠貞而摠薦
 兮庶仰止之在茲聊抒憤
 而陳詞兮意川靈之我知

國朝

謝包京暘湖賦

登高兮望遠憇子駕兮湖之陽湖水兮
 淡淡湖山兮蒼蒼上有干霄之喬木下
 有映水之長楊重門複道峻宇雕牆歌臺舞榭飛閣
 洞房不知往者為誰之堂習池既淤梓澤就荒星移
 長史之宅鳥散午橋之莊輞水靈均空悲昔有平泉
 怪石重歎今亡所幸湖光無恙煙景長留金粟之嶺

給舒而橫插錦提之浪蕩漾而斜流雙嶼峩峩而東
 峙五峰鬱鬱以西浮君子建霞標於天半吹臺擁笙
 鶴於雲頭朝晞則千巖吐爽暮靄則一鏡涵秋遙而
 企之疑鑿開青帝春風之圃近而即之似移來瀛洲
 絳水之邱斯仙靈之窟宅宜嘉遁之遨遊於是僕本
 野人心懷幽谷感逝者之如斯爰定居於湖曲宅隣
 謝眺本愛山青園近仲長惟耽水綠爾乃剪榛開徑
 誅茅架屋門香草而當河室芝蘭以背陸階吐青苔
 窻含翠竹庭取蔭於高松戶因籬於叢菊左琴右書
 且絃且讀憑往聖於几筵響衆山之幽獨靜依約以
 養和動遵時而觀復刈百氏之榛蕪播六籍之嘉穀
 積篇什為厥庾寶真詮為珠玉科頭晏起便腹晝眠
 思小人之勿用悟大道之無偏蟬悅乎露螳慕乎羶
 鳥鳴灌木魚躍重淵審物性之異宜亦各適其所適
 而同歸於自然况吾生之謏薄亦奚取夫碌碌而重
 之以雕鐫仰以事俯以畜潔旨甘娛彩服友同心歡
 比目羹藜羹飯脫粟抱孤雛舐愛犢試塗鴉規刻鵠
 穀可以貽何求乎芝芬甘可以分何計乎蘭馥或詠
 鷓鴣或舞鸚鵡濁醪半壺閒棋一局緩步安於蒲輪
 晚食美於鼎肉酌寒泉而有玉醴之甘被短褐而有

重裘之煖竹牀石枕樂於華胥雨鐸風箏清於廣樂
 蓋聞足乎天者神休役乎人者形渥吾將以此謝紛
 華返淳樸屏囂諠守恬漠戒滿盈鑒止足長含哺於
 堯年保餘生於耕鑿豈日薰以香自焚木以材自伐
 身爲我桔智爲我毒蹈接輿之高風踵子真之芳躅
 也哉維時青陽司令王睢鼓翼嗟我農人匪田胡食
 乃徂隰畛乃集疆以身襁褓而頭蒲茅朝犁雲而夕
 鋤雨椎髻子魚之妻蓬頭孺仲之子小大具來或耘
 或耔迨夫黍稷盈疇華實被野芳菲香玩山稼澗和
 赤穞紫芒白莖黑秬莫不異種殊根兼收並序幸歲
 功之順成竊巡阡而色喜上足供稭穗之輸將下足
 備苾芬之享祀場工既畢歲序將闌念三時之拮据
 思一日以歡顏爾乃高吟藪澤長嘯林巒仰飛緘繳
 俯釣寒潭利簇斯觸芳餌載吞浮錦鱗於碧水墜逸
 翮於雲端夫何羲和弭節靈西匿鳥雜流聲煙含
 樹色肆盤遊以極娛敢日入而忘息理策振衣駕言
 遄歸倚荆扉而佇月呼童子以烹魚拾良朋於近局
 乃酌酒而賦詩懷九閩而日遠庶爲善於鄉閭奉先
 師之明訓甘飲水而飯蔬倦考槃之碩人冀晤言之
 與俱既優游以自得願與世而長違悲靈均之煩亂

從詹尹而卜居雉戀媒而膺鋪蘭當門以遭鋤胡伊
 人之耿介竟憔悴以如斯苟余情之信芳雖一壑而
 可怡懷良辰而獨
 往又何卜而何疑

詩

宋

謝靈運遊赤石進帆海詩

首夏猶清和芳草亦未歇水宿淹晨暮陰霞屢興沒周覽

倦瀛壖况乃凌窮髮川后時安流天吳靜不發揚帆采石華挂席拾海月溟漲無端倪虛舟有超越仲連

輕齊組子牟眷魏闕矜名道不足適已物可忽請附任公言終然謝天伐

石壁精舍還湖中詩

昏旦變氣候山水含清暉清暉能娛人游子憺忘歸出谷日尚

早入舟陽已微林壑歛暝色雲霞收夕霏芰荷迭映蔚蒲稊相因依披拂趨南徑愉悅偃東扉慮澹物自

輕意愜理無違寄言攝生客試用此道推

登石門最高頂詩

晨策尋絕壁夕息在山樓疏峯抗高館對嶺迴溪長林羅戶穴積

石擁塔基連巖覺路塞密竹使徑迷來人忘新術去子惑故蹊活活夕流駛噉噉夜猿啼沈冥豈別理守

道自不攜心契九秋幹目翫三春蕙居常以
待終處順故安排惜無同懷客共登青雲梯

從斤竹澗越嶺溪行詩猿鳴誠知曙谷幽光未顯巖

傍隈隩迢遞陟陁崑過澗既厲急登棧亦凌緬川渚

勤徒結折麻心莫展情用賞為美事昧竟誰辨觀此

遺物慮一悟得所遣

登江中孤嶼詩江南倦歷覽江北曠周旋懷新道轉

與傳想像崑山姿緬邈區中緣始信安期術得盡養

年

命學士講書詩卧病同淮陽宰邑曠武城絃歌媿言

恩榮時往歲易周年來政無成曾是展予心招學講

箭聲敢謂荀氏訓且布蘭陵
情待罪豈久期禮樂俟賢明

白石巖下徑行田詩小邑居易貧災年民無生智淺

外蕪穢積頽齡饑饉不可久甘心務經營千頃帶遠

望荒闕亦黎萌雖非鄭白渠每歲
望康京天鑒倘不孤來茲驗微誠

夜宿石門詩朝寒苑中蘭畏彼霜下歇暝還雲際宿

異音同至聽殊響俱清越妙物莫為賞
芳醕誰與伐美人竟不來陽阿徒晞髮

種桑詩詩人陳條柯亦有美攘剔前修為誰故後事

始悲泉灑塗猶跬跡俾此將長成慰我海外役

登永嘉綠嶂山詩裏糧杖輕策懷棲上幽室行源徑

樂潤霜質澗委水屢迷林迥巖愈密眷西謂初月顧

二美貞吉幽人常坦步高尚邈難匹頤阿竟
何端寂寂寄抱一恬如既已交繕性自此出

橫陽還嶠上詩西京誰修政龔汲稱良吏君子豈定

芮意海岸常寥寥空館盈清思協以上冬月晨游肆

所喜千圻邈不同萬嶺狀皆異威摧三山峭滌泊兩

江駛漁商豈安流樵拾謝西

芑人生誰云樂貴不屈所志

登上戍石鼓山詩旅人心長久憂憂自相接故鄉路

春託登躡歡願既無並戚慮庶有協極目眺左澗迴

顧眺右狹日永澗增波雲生嶺逾疊白芷競新苔綠

蘋齊初葉摘芳芳靡緩愉樂樂

不爇佳期緬無緣騁望誰云愜

行田登海口盤與山詩齊景戀遊臺周穆厭紫宮牛

願豈申游遠心能通大寶不權况乃守畿封羈苦

孰云慰觀海藉潮風莫辨洪波極誰知大壑東依希

采菱歌彷彿含嘖容邀

游碧沙渚游衍丹山峯

發歸瀨三瀑布望兩溪詩我行乘日垂放舟候月圓

積石竦兩溪飛泉倒三山亦既窮登陟荒藹橫目前

窺巖不覩景披林豈見天陽鳥尚傾翰幽篁未為適

退尋平常時安知巢穴難風雨非攸愜

擁志誰與宣倘有同枝條此日即千年

郡東山望溟海詩開春獻初歲白日悠悠蕩志將

控息椒邱采蕙薄大薄羣若履長洲白花曠陽林紫

鷺雖春流非徒不弭忘覽物情彌適萱蕪始無慰寂

寞終

可求

過瞿溪山僧詩迎旭凌絕磴映泣歸淑浦鑽燧斷山

宿莽同游息心客暖然若可睹清霄颺浮烟空林響

法鼓忘懷狎鷗鯨攝生馴兕虎望嶺眷靈鷲延心念

淨土若乘四等

觀永拔三界苦

初去郡詩彭薛裁知耻貢公未遺榮或可優貪競豈

足稱達生伊予秉微尚拙訥謝浮名廬園

當栖巖卑位代躬耕顧已雖自許心蹟猶未屏無庸
方周任有疾像長卿畢娶類尚子薄游似邴生恭承
古人意促裝返柴荆牽絲及元興解龜在景平負心
二十載於今廢將迎理棹遄還期遵渚驚修坳遡溪
終水涉登嶺始山行野曠沙岸淨天高秋月明憇石
挹飛泉攀林蹇落英戰勝矐者肥監止流歸停卽是
義唐化獲我擊壤情

梁

何遜學古贈邱永嘉征還詩

龍馬魚腸劍蹶蹶起風塵
結客葱河返喧喧動四隣

入壚猶憶舊德卷復疑新窺見應門出
遙識下機人相悲淚欲下離別方自陳

陳

徐陵別毛永嘉詩

願子厲清規歸來振羽儀嗟予今老
病此別恐長離白馬君來哭黃泉我

詎知徒勞脫寶劍空挂隴頭枝

唐

李白與周生宴青溪玉鏡潭詩

康樂上官去永嘉遊石
門江亭有孤嶼千載蹟

猶存

杜甫送裴虬尉永嘉詩

孤嶼亭何處天涯水氣中故人
官就此絕境與誰同隱吏逢梅

福看山憶謝公扁舟
吾已就把釣待秋風

孟浩然除夜樂成張少府宅詩

雲海訪旣聞風潮泊島
濱何知歲除夜得見故

鄉親子是乘槎客予爲失路人平生能復幾一別十
餘春 疇昔通家好相知無間然續明催畫燭守歲
接清筵舊曲梅花唱新正杯酒
傳客行隨處飲不見度年年

宿永嘉江寄山陰崔少府國輔詩

我行窮水國君使
入京華相去日千

里孤帆天一涯臥聞海潮至起視
江月斜借問同舟客何時到永嘉

永嘉別張子容詩舊國予歸楚新年子賀正掛帆愁海路分手戀朋情日暮故園意江

洲春草生何時一杯酒重與季鷹傾

張子容送孟浩然歸襄陽詩吳越相逢地西亭送別津風濤看解纜雲海去

愁人鄉在桃林岸山連楓樹春長懷故園意歸與孟家隣

永嘉卽事寄贛縣袁少府璿詩山繞樓臺出溪通里閭斜曾爲謝客郡多有逯

臣家海氣朝成雨江天晚作霞題詩報賈誼地濕似長沙

自樂成赴永嘉枉路泛白湖寄李少府西行礙淺石北轉入谿橋

樹色烟輕重湖光風動搖百花亂飛雪萬嶺疊青霄猿挂臨潭篠鷗迎出浦撓惟應賞心客茲路不言遙

永嘉作拙宦從江左投荒更海邊山將孤嶼近水共惡溪連地濕轉多雨潭蒸竹起烟未應悲晚

髮炎瘴苦華年

泛永嘉江日暮迴舟詩無雲天欲暮輕鷁大江清路烟中遠迴舟月上行傍潭

窺竹暗出巖見沙明更值微風起乘流絲管聲

司空圖寄崔道融旅寓永嘉詩旅寓雖難定乘閒是勝游碧雲蕭寺霽紅葉謝

村秋戍鼓和潮暗船燈照島幽詩家多滯此風景似相留

張又新永嘉百詠常雲峯仙府靈臺莫漫登綵雲香霧晝長蒸君能到此消塵慮隱

豹垂天亦爲澄

滴水巷滴水冷冷徹碧紗早時無減雨無加澄清好是爲官侶引入孤城一帶斜

趙疑送張又新之任詩東晉江山稱永嘉莫辭紅旆向天涯凝絃夜醉松亭月歌馬晚

尋溪寺花地與剡川分水國境將蓬嶠共烟霞卻愁明詔徵非晚不到秋風見海槎

方干送永嘉王明府詩誰展縣圖知到縣王程猶入縉雲東山間閣道盤花底海界孤

村在浪中禮樂未聞離漢制土宜多說似
吳風寧人若用非常術惟要旬時便立功

李頎送馬錄事赴永嘉詩子為郡從事主印清淮邊談
笑一州裏從容郡吏先手持

三尺令遣決如流泉太守既相許諸公誰不然孤城
臨海樹萬室帶山烟春日溪湖淨芳洲葭菼連欲飯
蟹螯熟下筯鱸魚鮮野鶴宿簷際楚雲飛面前聽歌
送離曲且駐木蘭船贈爾八行字當聞嘉政傳

錢起寄永嘉王十二詩永嘉風景入新年才子詩成定
可憐夢裏還鄉不相見天涯憶

戴復誰傳花傾曉露垂如淚鶯拂游絲斷
若絃願得迴風吹海雁飛書一宿到君邊

項斯送友人知永嘉詩長貧知不易去計擬何逃相對
人愁別經過幾處勞城連沙岫

遠山斷夏雲高猶想
成詩處秋燈半照濤

杜荀鶴呈崔太博兼柬朱褒郡守詩永嘉古郡昔推名
連屬君家弟與兄

教化靜師龔渤海文章高出謝宣城山從海岸統吟
景水自城根演政聲今日老輪崔博士不妨踈逸伴

雙旌

吳畦登鴈蕩明王峯詩明王巖業與天齊勢壓諸峯不
可梯霽雨孤鐘雲外度叫霜羣

鴈月中棲仰觀碧落星辰近俯視紅塵世
界低七尺靈光雙彩展石門金鼎謾留題

宋

楊蟠永嘉詩一片繁華海上頭從來喚作小杭州水如
棋局分街陌山似屏幃繞畫樓是處有花

迎我笑何時無月逐人遊西湖
宴賞爭標日多少珠簾不下鈎

登孤嶼詩把塵何所往海上有名山潮落魚堪拾雲
低鴈可攀一城仙島外雙塔畫圖間當路

誰知已天
應賜我閒

後永嘉百詠放生池悠然已更樂知是島中餘
有海尚可往慎毋重見漁

南塘出門日已晚棹短路何長
賴有風相送荷花十里香

贈仰孝子詩

思親廬墓隱西山竹屋蕭然月塢間有

達遠邦符奏東帛榮霽帝澤頌不見孝廉人已久東嘉今喜識會顏

去郡後作

為官一十政宦游五十秋平生憶何處晁憶是溫州思遠城南曲西岑古渡頭綠觴

春送酒紅燭夜行舟不敢言遣愛惟應念舊遊憑君將此曲寄寫謝公樓

楊億送海印歸永嘉詩

都城應供幾經秋海國歸心不

室寄東甌千燈續燭知無盡一錫隨緣信自由更到石門題雅句碧雲從此掩湯休

蘇軾答周邠寄鴈山圖詩

指點先憑采荔翁丹青化出大槐宮眼明小閣浮烟翠齒

冷新詩嚼雪風二華行觀雄陝右九仙今已壓京東此生賸有看山分已覺溫台落手中

君同馬入塵埃鶴入籠東海獨來看出日石橋先去踏長虹遙知別後添華髮時向樽前說病翁所恨蜀山君未到他年攜手醉郢筒

楊徽之送李少和還山詩

獨騎珠樹鶴還向洞天歸海月舒鸞嘯仙雲濕羽衣重來

金闕近一去玉函稀遙想藏真處丹梯在翠微

夏侯嶠前題詩

雙闕下雅向九霞間遂策雲中杖言歸海上山入林煮白石服氣駐朱顏

自愧風塵客瓊枝宵莫攀

許景衡百詠堂詩

城郭尋常眼不闕誰能一一訪林巒已將好景都吟過留與游人取次看

寂寂郊原秋色遠悠悠江水暮天寒可憐三十六坊月還照先生舊倚闌

周行已遷居柳市詩

緬懷彭澤令從借剡溪居水漫衆道久忘書乍愜幽棲趣永欣塵鞅除

羅含亦有宅洲渚啟柴門未足拒風色猶堪隔世喧卜居空著論畢娶詎忘言且折薛中券相從籬下尊

林逋送機素還永嘉詩

康樂遺蹤地言歸已有期江流富春瀾山路枯倉危錫潤飛晴

霽羅寒瀟曉漸東巖
有幽石應許折松枝

沈栝寄永嘉王博士詩

十萬囊鞬臨易水五營旗鼓出
中山去年今日西岑別回首吳

山夢
寐間

趙抃游江心詩

峯而雪粧銀世界江心春動錦波瀾
遊頭老矣君知否莫作風流太守看

趙屺雲頂院聽瀑樓詩

佛巖蕭酒亂山根一派從來入
水源瀉瀑橫飛龍獨挂石形中

斷虎
雙樽

王十朋度鴈山詩

鴈山五經眼茲行尤可觀初冬天氣
佳鴈歸山未寒有日照幽谷無雲翳

層巒入境見祥雲振衣登馬鞍瀑泉飛玉龍羽旗穿
翔鸞石柱屹天外卓筆書雲端靈峯觀石室杖履穿
嶺岷山禽知我來好音若相歡羣峯列春
筍丹青狀尤難行色愧匆匆更約他時看

白石巖詩

謝公好山水得郡古東甌造物惜佳境雅
志多不酌松蘿蔽鴈蕩烟靄埋龍湫行田

經白石不到仙山頭寥寥數百年天付黃冠流巍然
萬仞崖壁立東南州誰將補天手化出白玉樓兩龕
藏洞府中有羣仙游上通尺五天下接三神州飛泉
落巖腰碧澗鳴山岫羣峯直樓滄海為渠溝隘視
人間世萬象同蟬蛸我家鴈山陽崎嶇經邱廟
錢公子呼我尋巖幽初經小雨潤忽掃羣陰浮杖履
游嶺岷一洗塵埃眸山林有真樂富
貴何足求但願乞二山不願萬戶侯

過瑞安詩

我家古樂成老未識安固偶把清源麾首
問南塘路解維日已晏入境天欲暮張子

自陶山扁舟惠然顧沈君壯年別相見髮垂素訪舊
多不存來觀莫知數平原二十人邂逅喜相遇謂我
宜少留欲教不腆具我驅不敢疾曲為一宵住臨江
有高閣登覽可以賦瀾同孟子觀日作少陵注燈火
照魚龍談笑驚鷗鷺啣杯鄉意濃竊
食君恩誤晨起酒未醒潮來報催渡
陳傅良坡南塘詩
榮陽居士居罕出高堂華屋安於山
徒枉未成天欲寒風吹溱洧波漫漫
安得亟語賢刺史刺史愛民如赤子

葉適永嘉端午行

行春橋東峙巖北大舫移家住無隙
使君勸客親付標兩朋子奪懸分毫起身齊看船勢
側撓安不動濤頭高古來崢水闊勝負湖邊常羸豈
其數岸騰波沸相隨流回廟長歌謝神助只今索莫
何能為敗鼓攪壕觀者稀千年風土去不返醉裏寬
雙空展轉

宿石門詩

好溪瀉百壑南北傾萬峯山凡堆阜俗映
從口入便已離塵中眾芳拱窟宅環崗獻奇穠藤蘿
異態度尺寸疑施功錦茵翠織成照耀無春冬水行
千丈高歎薄不可窮更有洗頭盆雲深霧常封昔年
謝康樂築居待其終繼作者邱裴語言亦稱雄邈然
百世後未忝騷人風栖栖三羽衣日晏齋厨空之子
歎過漿暫洗氛埃胸自嘆苦淹留寂寞不易供嗟我
老無用佞山久成翁結廬會昌側勢落魚蝦叢種竹
似束葦栽松如斷蓬小兒餽盆孟何時至周公會當
同此住代
輸助之春

題仰孝廉事實後詩

孝子久傳名誠通物表靈當年
菽庭荒枕舊廳惟存
古題誌寶惜勝如金

無相寺道中詩

傍水人家柳十餘靠山亭子菊千株
與僕抱樵趨絕澗隨僧尋磬禮精廬
不知身外誰為主更覺求名計轉疎

戴養伯南溪暮春詩

家住南溪欲盡頭茂林修竹幾清
幽菰蒲漲綠蛙專夜樹葉吹寒麥
半秋修禱從教非節物舞雩元自有風

杜範鴈蕩山詩

東南富山水傑氣鍾鴈峯巨靈排鼻屨
妙力開鴻濛斷崖據險絕峭壁凌寒空
分岑獻萬狀轉盼無一同或疊如錦纈或鑄如青銅
或前如舞鳳或卻如飛鴻或伏如卧虎或矯如游龍
竝如兄語弟差如兒對翁銳如筆露穎岐如剪開鋒
三湫分大小二靈儼西東古語聊近似天巧難形容
我久埋世埃幸此拔天風應接費耳目魄磊羅心胸
有僧本儒家伴我追雲蹤攀躋不知勞指引殊未窮

胡然便語別問之以涕從為渠游與盡生我歸意濃
出計何草草回塗復忽忽還此未了緣邂逅須有逢
趙師秀大龍湫詩一派落寒空如何畫得同高風吹作
雨低日射成虹西域書會說先朝路

始通或言龍已
去幽處別為官

鴈蕩寶冠寺詩行向石欄立清寒不可云流來橋下
水半是洞中雲欲住逢年盡因吟過

夜分蕩陰當絕
頂一鴈未曾聞

送徐靈暉游湘水詩春盡雨霏霏輕寒猶在衣人尋
香草去鴈背遠峯歸瀟水添湘

潤唐碑入宋稀應知
名與姓題寫遍巖扉

翁卷登飛霞山詩局居厭紛叢蕩志尋嶇欽拂衣出城
隅杖策循湖陰何年彼真仙遺宮寄

幽岑連樹窈蒙密靈洞疑虛沉攀條承鮮飈立石弄
澄深眺睇增殊歡超忽涓煩襟美人逝云遠青草疇
與吟感昔興重嗟會意良在今山公悅崇資嵇氏陶
清音保真道無遠逐欲情 淫顧乏安期姿華鬢能

不侵雖非尚子
賢倘遂畢娶心

太平山讀書寄城間諸友詩寥寥鐘磬音永日在空
林多見僧家事深便靜

者心虛庭雲片泊側徑石根
侵此去城間遠君應懶出尋

石門庵詩山到極深處石門為地名嵐蒸空寺壞雪
壓小庵清菓落羣猿拾林昏獨虎行一僧

何所得高
坐若無情

寶冠寺詩山多猿鳥羣永日絕囂紛一澗水流出幾
房僧共聞拄筇粘落葉拂石動寒雲誰昔

來營此彙
碑看記文

徐璣夏日南湖訪隱士詩煩暑何能避孤舟訪隱人水
鄉菱藕熟晴野稻梁新力學

師前輩談空悟宿身鏡
湖三百頃不似此湖濱

徐照送翁靈舒游邊詩孤劍色磨青深謀闕鬼靈離山
春值雪憂國夜觀星奏凱邊人

悅翻管戰地腥他時
歸幕下何石可書名

仰忻贈張孝子詩賢哉張氏子篤孝守墳園四水遶廬舍一山當墓門風悲親永感露泣淚

成痕豈比他人
隴荒涼棄野原

陸游至永嘉詩

自來福州詩酒殆廢北歸始稍稍復飲至永嘉無日不醉詩亦屢作此事不可

不記導滬如江綠春愁抵草長但令閒一日便擬醉
千觴佛翠風禁絮花殘雨漬香客遊還役役心賞竟

茫茫

同永守宿江心詩使君千騎駐霜天主簿孤舟吟不眠好與使君同愜意卧聽鼓

角大
江邊

平陽驛舍梅花詩

江路陰陰未成雨梅花欲落半沾泥遠來不負東君意一絕清詩手

自題

樓鑰大龍湫詩

北上太行東禹穴雁蕩山中最奇絕龍湫一派天下無萬象贊揚同一石行行

路入兩山間躡碎苔痕地將圻山窮路斷脚力盡始見銀河落雙闕詎羅宴坐看不厭騷人弄詞困搜抉

謝公千載有遺恨李杜復生吟不徹我游石門稱勝地未信此湫真卓越一來氣象大不侔石屏倚天驚

鬼設飛泉直自天際來來處益高聲益烈漢倒瀉三峽流到此誰能定優劣佳山佳趣須要領一口盡

游神惡襄驪龍高卧喚不應自媿筆端無電掣輪困
蕭索湍不怒非霧非烟亦非雪我聞凍雨初霽時噴

擊生風散空濶更期雨後
再來看洗淨一生煩惱熱

薛季宣秋思詩

秋風生夕涼吹我東閣帷中有蕩子婦清歌寄愁思為問愁何為良人長別離

銀缸弔隻影霜雪豎白持君為黃河流妾作玉桂枝東西各異道邂逅不可期願為君下裳結束隨君衣

君衣何當披
十年守空閨

周端朝草堂詩

上林不花一水淨游魚姿媚翻寒景釣蓑風冷天欲霜惟有白鷗雙對影北隣

白幘南鳥巾暮鴉共集無行人草堂老翁與不醒孤照野梅消息新

木待問郊寺詩

紅委墻陰花寂寂翠滋庭角草芊芊風翻書葉常交案雨壓爐烟不過簾

陳昉寒食湖上詩

花瘦水肥三月天畫橋雙動木蘭船人家盡換新榆火惟有垂楊帶舊烟

趙汝回呈葉水心詩

鷓鴣骨腥腥髮未斑秋風鷗鷺共倚閒芙蓉夾徑纔通馬楊柳沿池不礙山外稿定於何日上中興只在十年

薛景石宿瞿溪詩

船泊西溪岸人家晚更春塞星寒有雁村寺夜無鐘竹徑通新店茅柴爇

病容農夫不相識問我欲何從

劉黻太玉洞聽琴詩

無弦不成聲有弦多失真真聲在何所調和方寸春文操惜已遠孔

澶嗟復陳所以桑樸響鄭衛波蕩秦詎知幽谷間乃聞太古淳游魚出寒水鳴鶴橫秋旻休羨廣陵秘爾雅皆怡神

林景熙讀文山集詩

黑風夜撼天柱折萬里飛塵九溟竭誰欲扶之兩腕絕英波浪浪滿襟血龍庭戈鋌爛如雪孤臣生死早已次綱常萬古懸日月百年身世輕一髮苦寒尚握蘓武節垂盡猶存杲卿舌膝不可下頭可截白日不照吾忠切哀鴻上訴天欲裂一編千載虹光發書生倚劍歌激烈萬壑松聲助幽咽世間淚酒

免女別大丈夫心一寸鐵

冬青花行

冬青花花時一日腸九折隔江風雨清影空五月深山護微雪石根雲氣龍所藏尋常蠖蟻不敢穴移來此種非人間曾識萬年

腸底月

蜀竟飛繞百鳥臣夜半一聲山竹裂

夢中作

珠亡忽震蛟龍睡軒傲寧忘大馬情親拾寒瓊出幽草四山風雨鬼神驚一杯自築珠

邱土雙匣

猶存竺國經獨有春風知此意年年杜宇泣冬青

昭陵玉匣

走天涯金粟堆前幾吹鴉水到蘭亭轉鳴咽不知真帖落誰家

珠鳧玉鴈

又成埃斑竹臨江首重回猶憶昔年寒食節天家一騎捧香

來陳雨巖

曰林詩作於越越人傳之山陰人唐珏者亦感憤其事驚家具為酒食召里中少年以義激之

乃斲文木為櫃復黃絹為囊拾諸陵遺骸署其表曰
某陵某陵塋之蘭陵山中越人因以林詩為唐作而
羅有開傳之李東陽又見鄭天啟傳林事疑之作樂
府余以林托探藥又托佛經托夢不敢明言其事故
為詩若此唐則為酒食召少年文木
絹裹又焉用托之詩乎不可不辨

真山民永嘉秋夕詩

風戰枯桐敲紙窻擁裘無寐夜偏
長譙樓三鼓夜將午雲鴈數聲天
正霜寓世此身驚逆旅寬懷何處不吾
鄉江頭風景日堪醉酒羨蟹肥橙橘香

陳龜年遊淨社寺詩

古寺何年斲山空一片雲喬松含
晚翠修竹洒清陰老衲朝陽綴睚
鳩帶雨吟俗緣何
日了借榻淨塵心

元

柯九思送林彥清歸永嘉詩

鴈蕩即銀漢翠湧生高寒
芙蓉散秋景飛落秋雲端
意昔造絕頂天澗路漫漫遙瞻廣寒殿素娥正憑欄
白兔持月魄指顧成神丹因招宋成公吹簫乘紫鸞

游視九萬里元氣清團團別來知幾時弱水如平灘
忽遇鴈山客霞珮青蓮冠還入鴈山去玉髓供晨餐
報我舊遊者久待凌烟巒
吾患為有身南望空長嘆

許謙華蓋山詩

羣山如斗形華蓋氣獨壯奮身地勢高
極目天宇曠迴迴萬象澄一一來獻狀

中江漾孤嶼瀕海橫登嶂樓臺市中居棋列相背向
烈風攬蒼林落日鳴白浪蜃氣薄浮雲溟濛杳東望
長壕浸寒水短楫起漁唱同游豈特達竟爾忘得喪
山下出蒙泉夷坐待清漲一掬襟懷空自謂羲皇上

楊維禎送人之永嘉東李五峯詩

鳳凰西風吹葛衣鴈
蕩落日照松扉夢登

玉女夜吟句戛到金人秋作歸海菜紫芽如蜜脆山
柑黃顆待霜肥今年預報李夫子五老峯頭攬夕暉
鄭昂感懷詩王粲淒涼仍去國杜陵老大竟飄蓬荆州
豈免依劉表西蜀終須謁鄭公三禮賦成

追昔日七哀歌罷起秋風青青
亦有江南草鷓鴣州邊恨不窮

出郭詩春光暗逐銅車塵出郭潛驚節候新汀草斫
花深杖屨承風沙日淨衣巾江門白鳥渾忘

世雨後青山欲近人借問楊
雄舊時宅野烟荒草帶疎籬

李仕興抵楚門詩

楚門山色散烟霞人到江南識永嘉
半隴石田多種麥一冬園樹尚開花

海天日煖魚堪釣潮浦船回酒可餘
傍水人家無十室九憑舟楫作生涯

柳貫游鴈蕩詩

盤盤古蕩倚蒼穹勢壓坤輿距海東異
境從真三島外羣山逞技五雲中玲瓏

勝挿連星斗杳渺神鰲戴華嵩香霧千屏金沆漉煖
霞萬簇錦芙蓉峯傳玉女螺鬟瀑洗水簾雨氣濃
怪底雙鸞翔彩鳳巖然絕壁掛蒼龍展旗輕颺神僧
滿天柱相高玉笋叢偃蓋紫芝當錦帳挺標卓筆對
天聰北瞻瑞鹿晴縹薄西遡飛泉紫翠重鉅宦來觀
留好句名才遠訪暢幽踪躋攀適帶琴尊竝嘯覽紛
陪杖履同倦客豈知今再到老僧能記昔相逢水盤
昔脆傳秋果芳釘新菜薦晚菘遠社飛杯深繾繾替
房對榻重從容晃衣楓錦飄階葉吹佩松濤度曲風
悟趣只知元圃近探幽疑與虎溪通挂巾五老窺靈
穴脫履常雲濯劍峯涵日影搖臨水塔破烟聲度隔
林鐘十年記載文光爛數日盤桓目力窮鐫石題詩

收不盡編圖
勝梅貯詩筒

孚孝光龍臭水聽琴詩

玉笥仙人鞭白犀天風吹度芙蓉溪
手脫長劍洗妖血驚起石

山治太古色霜露欲結風凄凄老翁摩挲莫驚汝置
之膝上聽其語大聲伏雷鳴地中小聲颯颯吹風雨
河香辛苦玉龍睡收霆捲電還元氣領底明珠忽迸
落金支羅襪凌波去江清雲暖天無風暗潮自撼黃
銀宮紫髯玄甲卧不動真翁龜息深至踵大笑欠伸
忽飛起清月蕭蕭在秋水君爲我起扣其角我亦
長歌返其樸卻騎過海呼安期還君七尺珊瑚枝
簫臺八景詩雲門福地
古帝南巡事已非土階茅屋
尙依依夜深月底吹簫去度

得雲門
一曲歸

葢竹洞天

蝙蝠翻雲似白鴉石林玉氣亂晴霞
山中鷄犬應相笑溪上紅桃幾樹花

雙瀑飛泉

雨洗天根雲洞幽黑蛟飛電舞長秋
人應壯士思酣戰組練相銜夜不休

簫臺明月 山月崢嶸露玦環石樓香冷白雲閒

白鶴晨鐘 風約疎鐘下窈冥天南曙月颯飛星

紫芝晚磬 瀟瀟清磬出雲遲月死空林日氣微

東塔雲烟 海月四更移塔去天風萬里擘松開

西岑松雪 山上行人如凍蠅西崖日出淡青熒

次陳輔賢游鴈蕩山韻詩 竹杖櫻鞵去去餘一春紅

樹石屋春深燕作家老父行尋靈運展道人喚

入鴈蕩山詩 興國年間路始開前朝碑畢半蒼苔鴈

龍湫行送軒宗冕歸山詩 大龍湫小龍湫青天倒瀉

銀河流海風吹練白杲杲

雪花滿面寒颼颼維那大士濯足處碧波下見長黃

可測幻境變化誰能求道人此地昔追游冷然一錫

別歌龍湫芙蓉花開溪水頭永嘉妙語猶可續永夜

松聲消客愁君從何處寄清夢三十六峯明月秋

陳少垣即事詩 石室無來客閒雲伴曉眠夢添身外事

歸意未應全 髮減鏡中年小雨溪平路牛衣業在田

湖心寺詩 出城五里淨無塵清湖無底秋浸目水仙

更伯璿岳太守席上紀游詩 橫塘遙遙飛隼旛太守適

址秋山面目尤清曠從游達官與文士愛此幽

過陳誠德祠詩 生前樹德死封侯食報賢祠澤尚流

野草亂生新歲月桃花猶記舊春秋

溫州府志

卷二十九

三

清風冠竹吹猶發白日周棠咏未休
遺像拜瞻生氣在青山莫訝壑移舟

自往重游北湖詩一月不來湖上路湖邊桃李已成
陰蒼蒼山色故人面蕩蕩風光游

子心沽酒樓高斜欲墮賣魚船小巧相
尋白麟鸚鵡洲中客手撚江蘿和楚吟

秀民送友歸天台詩雁鳴沙漠風秋入燕陵樹客子
衣裳單寧不畏霜露驅車國東

門迢遞懷往路尺壁橫道周誰能一回顧登山豺虎
雄入海鯨鯢怒天台隔三江丹霞夾元霧黃精或可

尋胡麻庶當遇明時有遺失歸哉保真素我焉
病已久東西厭馳驚逸駕如可攀吾將執其紳

題王長史畫龍門圖詩月黑山鬼號蒼龍闔折角仙
人一掌擊不令墮深壑秋高

勢峻層口暮氣慘錯闌干冰柱懸凌亂雪花落路狹
偉通人峯寒不棲鶴王侯天機峻躋攀故盤礴剪作

龍門圖奇氣低五嶽神
魚息天池有待風雷作

來鶴詩天外誰呼衆鶴來壇前道士本仙才
月明遼海通三島能載飛瓊教往來

陳高避地永嘉詩春來日日北風吹起浮雲過海東
花落名園芳草滿燕歸華屋故巢空

陶潛解帶閒居久王粲登樓作賦工
舊日交游多白首時時相見慰途窮

陳德永鴈蕩吟鴈之蕩兮乃在甌越之野瀛海之堧有
萬菡萏鏡青天東南形勝此其最我常

著屐周覽於其間厥初宰物孕雄怪元氣混沌何由
穿巨靈運斤鑿鬼竅列缺吐火施神鞭遂令後爾萬

萬古見此錯愕難為言上疑日車解轡傾側過下恐
地軸撓動相鈞牽昨夢尋君拂烟去有擁芝蓋導我

前崩崖旁豁瞰空洞迴溪不定行蛟噴狂雷砰訇起
何處白龍噴薄飛層巔熊蹲豹擲若怒若啼霞明霧

湧倏閃倏開重重掩掩變幻不可以極兮我方矯首
俛立乎雲梯南望海水不滿杯灣環下繞山足來仰

攀玉女駕笑踏飛鸞低羣仙集倒影襟佩中徘徊
身直上浩無際海月正掛吹簫臺於焉得深悟扶桑

驚大鷄蓬蓬驚覺在枕席但聞落葉如雨風凄凄君
來謝我欲西邁惜此不及窮扶攜我知君身有靈氣

明

林溫承旨賦醉學士歌

六龍南飛海宇一武功既成崇儒術九天宮闕五雲深雉扇鸞

旂乘輿出黃閣風高秋日涼西奎東壁照文章聖明天子萬幾暇詔許儒士承清光內官傳宣走絡繹烏帽聯翩坐前席大官賜饌薦珍羞光祿行觴瀉瓊液玉堂學士金華仙醉酒拜舞君王前天顏喜動笑摩寫揮洒宸翰如雲烟臣濂再拜喜欲顛臣有丹心赤於面臣心忠赤臣獨知臣面頰紅人其見前綯後賦重儒林臣濂寵光冠古今願持歸家遺孫子百世相傳同此心

中秋奉東宮旨賦秋月歌

玉階夜涼宮漏永風動梧桐委金井海門推上明月

來影浸冰壺秋萬頃銀漢迢迢星宿稀萬象不敢爭九輝關河千里其夕夕母使零露沾人衣小臣年年山海客獨倚山牕看月白今年來對禁城秋鳳閣龍樓天咫尺王門賓客一何多承恩自憐雙鬢皓愧無長才比希逸笑其如秋月何

劉基送高則誠南征詩

少小慕曾閔窮檐兀幽棲邱園賁嘉命通籍刺金閨握筆事空

言塊焉媿梁鵝不如屬囊鞬結束習鼓鞶廟筭出帷旌白日收虹蜺劍光帖滄溟旗尾懸鯨鯢振旅還大藩歌舞安旄倪拂衣不受賞長揖歸蒿藜

高啟送恩公還江心詩

上人居寶地勝處似金山樓閣開天界波濤隔世寰鐘聞孤嶼

外剎出亂雲間螺女晨修饌龍君夜叩關游方來暫會辭闕去難攀舊業菱生沼離程柳映灣衣霑爐氣出船載磬聲還施貝來江估持經化鳥蠻諸綠涂未早半偈悟猶難安得如康樂登臨此共閒

余堯臣秀野軒詩

濕翠浮草芽空青散木杪輕舟理橫塘歸人渡清曉棲鴉返故巢潛鱗濯

新藻倒影淡斜暉迴颺蕩晴昊衡門夜不扃燕坐事幽討落葉秋自飄殘花春懶掃我欲往從之稅駕苦未早揮手謝孤雲去去沒蒼微

張著秋興詩

故園東望海西頭幽事長懷九月秋竹几山明渾見書糟牀酒熟不知愁霜寒稅稻

泥黃蟹水淨芙蓉缺白鷗隨分
耕漁聊自適無端垂老向延州

避亂歸城詩亂餘城郭未全空春事渾非舊日同何處笙歌留粉黛幾家樓閣絢青紅幽花

無主愁經眼好鳥多情苦避弓誰
似歸來耕谷口荷鋤細雨立東風

季應旂薩秀實都事詩虎座談經味豹韜十年聲譽藹青霄從容綠水紅蓮幕瀟灑春

風碧玉簫江上望雲秋倚馬帳中乘月夜
聞鵬誰家餘子工塗抹至寶天全不在彫

朱諫陪萬五溪游鴈山詩鴈山山下惠風和野老追隨使節過海氣盡消波色定棟

花半落鳥聲多林烟漠漠春將別世路紛紛
髮易緜借我僧房同一宿夜凉明月下庭柯

看瀑布詩高崖仰刺天骨碧龍湫水自崖端出雲間一瀉到深潭上下相懸幾千尺和風習習

嵐氣消細雨霏霏酒杯濕貪看未盡眼力高葛巾岸
向斜陽立先生慣識川流意駐展停驂總深契白頭

老叟亦忘歸點
筆斜陽覓詩句

潘文奎贈潘檢討歸任溫郡博詩賜歸應喜遂初心兩鬢蕭蕭出翰林故里

舊交無綠髮講闈列侍有青衿風生玉塵朝談易月
滿春壇夜鼓琴暮景亦圖歸老計欲分半榻伴清吟

卓敬寶香山詩此室不如斗來大此心不啻天樣寬白雲忽去山在戶紅日乍晴人倚欄一聲

兩聲花鳥好干樹萬樹松風寒詩
成大笑出門去長空浩蕩江水渾

晚眺浣花溪上雙楠木老杜草堂生夏寒門外青山三十六讀書終日倚欄干

墨菊我向元都逢羽士自言種菊不多根灌園只汲臨池水歲歲花開帶墨痕

題墨竹詩洞庭木落水生波斜月虛窻露氣多虞帝不歸秋色晚滿江烟雨泣湘娥

紅梅誰教姑射飲流霞爛醉西湖處士家幾度春風吹不醒至今顏色似桃花

梅影華光淡墨鷺溪絹不似天公巧絕奇碧水晴沙風定後空山茅屋月明時

栽梅風流東閣題詩客瀟酒西湖處士家雪冷江深無夢到自鋤明月種梅花

山水 長松雨過秋陰滿 日日攜琴自往來
安得扁舟乘晚興 載將山色過江來

劉現重陽賜宴應制詩 玉堂西風起 官柳佳節相逢又
重九天厨絡繹來 珍羞不必白

衣人送酒纂摩鴻業功 垂成對此不飲真愧負 笑種
黃花香滿頭 玉觴急傳 寧歛手 列坐羣仙錦繡胃 醉

來難過 談天口清吟 頃刻詩百篇 句句珠璣與瓊玖
會當留芳天地間 肯使風流落人後 憐渠空把茱萸

看卻上牛山 嘆衰朽 丈夫際遇良有時 得歡更
覺君恩厚 出門爛醉 月色新 萬丈文錐 燦星斗

劉觀試內府詩 天官催入試 翰苑午門西 法駕移仙仗
儒臣命舊題 辭章疑潦草 禁密幸攀躋

安得如劉向 來分太乙藜

黃淮首夏述懷詩 抱瘵謝朝謁 歸休卧田園 未畢一身
累暫息 兩耳喧 盪櫛肅 衿佩牽 帷坐

高軒清和雨 初霽綠陰日 已繁文 鱗泳芳池好 鳥鳴
樹間俯仰 悟玄理 庶足開心 顏此樂 恒難得 欲寫已

忘言 老聃貴知足 義文賤包羞 驅車弗量力 道遠
摧雙軌 軌摧既改圖 道遠邈以悠 拙疾復相仍 歲月

不我留 內顧徒自愧 恬退匪身謀 區區復何心 耿耿
懷百憂 晨興課童僕 秉耒理新畝 務農志所願 敢

憚筋力 劬谷風 布新陽 微雨滋膏腴 良苗忻有托 生
意日已舒 歲功難預料 私心敢求餘 杖策田塍間 歌

咏聊自娛

三檜堂詩 三檜羅堂堦 蒼然太古色 樛枝走潛蛟 密
葉沁香液 眷此歲寒枝 幸與君子卽庭槐

接清陰 蘭玉蔭嘉植 百世紹芳華 滋培在樹德

勵志詩 猗猗者蘭 于彼空谷 悠悠我思 曷云其穀
猗猗者蘭 維芳維馨 我有好爵 君子攸寧

蘭之榮矣 繁霜瘁之 靜言孔念 中心悵而 蘭之瘁
矣 益厚其根 我之懷矣 匪善奚敦 蘭之瘁矣 芳華

載陽淑慎 其身終焉 允臧

周叙永嘉周孝子歌 疾風吹沙 滄海翻魚 龍鼎沸烟 塵
昏羣雄 竊據宇內 裂橫行殺戮 相

并吞吳山之東 越江曲賊勢猖狂 肆殘毒平原千里
烟火稀豺虎縱橫 繞空谷周家父子 耽文儒流離奔

竄無安居一朝邂逅入俘虜倉皇寧顧千金軀而翁
視子心猶苦况是高堂惟大母子欲捐生贖父還願
得承顏慰延佇強賊憑陵恣忍心縛之竟墮中流深
嗟哉孝子義不辱牽衣隨父行俱沉爰倫泯墮王綱
靡白日無光泣神鬼長遣當年雙旅魂遺恨今猶結
淵水真人御宇誅強克萬方盡入甄陶中史官采錄
筆懿行令名耿耿垂無窮由來父子有恩愛天理
人心豈曾昧抽毫試寫孝子篇千載克渠膽應碎

潘畿題六檜堂卷詩

君家六檜羅堂下假借諧音兩得
之北顧楸梧留遠恨東遷禾黍有

餘悲斧斤直欲戕根本梁棟將焉用爾
為蔽芾甘棠召南什憑誰說與太師知

陳亢宗賜午門觀燈應制詩

鰲峯千仞鬱峩峩萬蠟榮
春洽太和明月只隨仙仗

轉紅雲偏近御筵多旌旄影颺黃金闕絲竹聲翻白
雪歌遙對至尊頻頌祝醉歸數問夜如何 白玉仙
京上帝家六龍遙駕五雲車巨鰲此夕移三島火樹
迎春吐萬花水咽宮壺留夜色歡騰黎庶樂年華承
恩盡醉歸來晚一
派鈞天隔彩霞

任道遜峴西村莊詩

半畝新居置峴西到城門外是江
堤潮聲入夜月當午山色戴春花

滿蹊棋局幾番雙鬢改酒杯載覆一鶯
啼村莊別有閒區畫種竹栽松與灌畦

鄭洪幽致軒詩

花落晴窻燕拂簷蘭芽蕙葉翠纖纖
幽谷興雲通小徑清波向月映疎簾

鮑原宏鴈山四景詩

交刀亂剪銀河水飛入龍宮作瓊
蕊珠簾半捲梨花雲擁出霓裳舞

神女窟壓萬丈空玲瓏瑤光倒接天九
重天上羣仙正相待袖拂剛風跨玉虹

朱希晦能仁方丈詩

山中松桂老濃翠鬱紛紛水壯蛟
龍氣風高鴻鴈羣浮嵐晴後見疎

簷夜深聞卻憶隴
居士衰年屏俗氛

鴈山詩

鴈飛不到處中有梵王家翠老娑婆樹香浮
蒼荀花晴峯虧日月石室闕烟霞無分同禪

楊飄泉
試茗芽

王毓游仙巖和韻詩

山門深邃倚雲斜紺宇繽紛綉彩
霞沓嶂縈青連野樹方池湛碧映

巖花泥沾貝葉梁間燕聲禩昏鐘柳外
鴉有約他年來結社共談玄趣謝紛華

周旋冬至侍班詩

葭飛又見一陽生百辟趨朝賀聖明
大樂九成天上奏祥雲五色日邊呈

履長共喜沾餘慶報國誰忘致太平
深愧相如纔勿藥班聯亦幸沐恩榮

游元妙觀

天逼芝房傍郭低山人長護羽人棲瑤臺
紫府依微見翠竹蒼松咫尺迷拂石時窺

仙鶴舞坐花閒聽谷鶯啼此中
好問叅同契暇日相從駐馬蹄

霜林晚節圖

朔風何蕭蕭嚴霜亦浩浩維此歲載陰
羣芳盡枯槁懿彼松柏心堅貞長自保

春風桃李花春雨蘼蕪草
紛紛競顏色第逞一時好

章綸貫城詩

忠言逆耳如批鱗網羅陷阱多悞身今我
效忠忤明主何辭狂獄嘗苦辛囚首繫頸

入囹圄鞠問原情無一語委命
事君有素心取義成仁應自許

出獄哭鍾御史同詩

復儲一語重於山自是胸中鐵
作肝慷慨捐生今不易從容就

死古尤難釋囚愧我如箕子封墓憐君若
比下滿地血汚春草碧東風泣雨波汎瀾

鮑瑋白鶴寺詩

溪頭春水染苔衣溪上尋幽入翠微碧
樹深藏山外寺白雲閒鎖竹間扉花陰

犬吠客初到松頂日斜鶴未歸最
是山僧無俗慮渚鷗沙鷺共忘機

陳以性游平嶼寺詩

舟泊河橋日未斜綠陰如幄遠相
遮欲敲朱戶看修竹先踏香泥數

落花春好正當三月景泉香初試大羅
茶歌童頻把金卮勸擠醉何妨夜到家

林亭飛雲渡詩

漲泥新甃路何賒十里長堤湧白沙病
涉無詩歌苦葉候津有客倚仙槎拍岸

怒潮春雨後隔江疎樹夕陽斜湯
湯不用愁天限南北於今總一家

陳燧送邵鍊師歸江陰詩

青門隱者人不識騎鶴來尋
華蓋君姪女夜栖丹鼎火玉

如春綉紫衣雲愁聞南國旌旗暗愛聽中天
歌吹分此去元都舊時路碧桃紅雨正繽紛

何文淵江心與日庵上人詩

扁舟數覽江心寺樓殿玲瓏
畫不成白馬駝經來異

詩

卷二十八

三

域老龍聽法出滄溟西山雨過雲林淨南浦潮
生雪浪平安得小民歌樂業何妨結社話無生

林常題陳德甫溪山春曉圖

郭外長溪接遠江磯頭新水白鷗雙萬山雲氣翻春

雪一枕松聲響夜瀧賓客不徵綺里季子孫終
老鹿門龐何時我亦來同隱多種桃花映酒缸

李傑題謝廷循山水

峯高遲出日山氣曉氤氳葉潤林藏霧崖分谷吐雲客衣晴亦濕瀑

響遠逾聞茅屋依深樾逃虛羨隱君

項丕秋江送別為戴友諒賦

蕭蕭落葉早寒天忽送秋聲到耳邊千里客心驚歲

月五湖鄉夢入風烟青山紅樹還家路綠水滄
洲載酒船夜半燈前對兒女白頭重話謫居年

虞原璩雙橋明月詩

石梁縱橫如置知桂花影淨天連水驪龍爭珠貝闕開彩虹夾鏡金

波委萬里雲霄鶴已仙九秋風露人如
市停杯有問孰應之題柱無心吾老矣

夏夜獨坐詩

岸嶺坐前榮山童羽扇輕乾坤多白鳥風露一流螢長鉞年華暮虛堂夜氣清

更闌不成寐
愛此讀書聲

望海詩

十洲三島聚羣仙玉宇瓊樓鎖翠烟不信弱流難載羽更求靈藥可延年錦鯨簸浪銀爲

屋綵鷁翔波缺作船惟有會
稽垂釣叟登高望遠思悽然

王朝佐清輝堂詩

古泮寒灰不可温熒熒孤嶼火猶存一杯未問長陵土兩字先勞萬乘尊

卓筆有鋒兵自弱投戈無志藝何論
清輝堂外重回首謾說旋乾與轉坤

李東陽永嘉芙蓉書院詩

芙蓉自是秋江花含風浥露蒸紅霞誰教五月吐奇秀不

道人間有歲華永嘉郡中花滿院開元寺裡尋常見
勝事猶傳乙卯年青標已作冰霜面鹿鳴有宴奇嘉
賓鴈塔題名及早春共言此瑞不虛應果有人傑占
花神玉堂天路時來往碧桃紅杏誰爭長出水應憐
太白詩凌空忽下仙人掌兩京官舍無花開十年
心想真悠哉憑將錦繡江山色傳與丹青畫手來

謝鐸謁文信國祠次公韻詩

萬里孤臣命若絲支離身世豈勝悲眼中無地可立

脚頭上有天堪戴誰終古綱常今尚在百年運
會定何期繼周別有中興頌不用磨崖更立碑

游江心寺地擁中川勝天留半日談人誰是賓主境已絕東南舊雨山僧識秋風海味甘獨憐

鄉思苦叢
襍可誰戡

飲淨光寺前韻偶作鹿城夢長懷海客談不知仙境界却在郭西南日暮故情洽秋高歸

興甘尊前離別
色仗劍可能戡

渡甌江酒盡雙門鼓亂搥滿船秋思濶無涯敢從平世思浮海且向空江學泛槎蜃氣遠吞青嶂

日嵐光高映赤城霞望中咫尺桃溪路三徑分明是我家

王瓚游仙巖寺詩清興渺何許登山極上層境幽無俗駕寺古有高僧翠靄屯林木流泉澗

石稜探竒歸去
晚枯幹蕪為燈

茅竹嶺西莊詩乘閒聊赴野雲期木苻牽舟蕩槳遲求友黃鸝聲緩轉伺魚白鷺步輕移

江清似此誰同度山好吾今更有詩
茅竹嶺西千樹竹繁陰如蓋坐多時

虞原祐蔡節婦詩梧桐疎雨滴更殘機杼虛牕泣曉寒華表不歸天外鶴玉臺獨掩鏡中鸞

扶持風俗倫攸叙終始閨門義所安
好種貞松間修竹歲寒冰雪淡相看

張孚敬應制書無逸殿左襟壁詩帝德光三代民情洽萬方艱難躬稼穡勤

儉教蠶桑禮備先郊廟時和洽雨暘微臣無以佐稽
首頌陶唐聖祖宮原地吾皇社稷壇敢論開創易

祇見守成難穆穆瞻明主踰踰走達官五方登百穀
家室萬年安無逸新名殿堯文煥有光君臣難際

遇父子本綱常商頌傳恭敬周書傲怠荒周公此忠
藎猶恐負成王亭子屹中立幽風總御題土墻循

左右石碣勒東西香稻看連畝嘉禾欲滿畦省耕還
省歛亭座五方齊蠶室宮原後春畦遍種桑繭絲

能繡黻衣帛可立黃次第修簋豆慙
懃問稻梁每懷憂國念恒裕有神蒼

游五美園詩我有山東一畝宅還憶山西五美園落

日放舟循橘浦輕霞入路是桃源不嫌

老大無詩律但得親朋有酒尊信
是欲行天下獨祇應日日卧雲根

葉式閣試詩

聖主延羣策退方觀小臣仰瞻黃閣曉鼓
舞紫垣春欲售匡時志先呈許國身邇言

煩吐握朽質藉陶甄時雨有餘化至
仁無棄人撫心恒自誓何以獻楓宸

李顯靈巖寺詩

一逕逶迤入翠微雲間鐘磬出巖扉甘
泉細向芳塘落白鶴遙依碧嶂飛瑤草

春風迷藥鼎曇花天雨散珠璣尋
幽更上峯頭宿萬疊青螺擁四圍

王激稼軒詩

太平無稿勸東封且為明時作老農歲事
斟量春信後蓑衣料理雨聲中百年自足

江村味一飽麗疇耒耜功草澤
行吟君莫問道人不是鹿皮翁

歲暮至樂清長春道院舊館詩

十日紅塵久不甘幽
尋重過玉臺南山門

翠竹蒼松老舊路青鞵布襖諳作偈久違雲外榻分
燈猶記佛前龕籠詩莫謾誇王播經濟心孤草木慚

喜歸雲峯山房詩

江上青山入望新客衣初拂帝京
塵庭闈歲晚思歸養雨露思深許

乞身雲谷誅茆營別業鶴山摘茗煮先
春莫言林下無居士束絹新裁折角巾

雄溪舟中詩

幽居十日閉茆堂偶著綸巾問野芳細
雨斜風吹客鬢白鷗畫槳共湖光花枝

作旆村醪熟土鼓迎神社飯香小
晚詩成雲水暝高歌擊楫和鳴榔

張書紳玉旣峯詩

玉旣之峯南海西日月見浴天欲齊
浮雲飛鳥看出沒清流白石相高低

僧林寺發金磬響空谷愛聽元猿啼
道人焚香坐峯頂法眼豈為諸相迷

龔秉德登瑞安東山塔寺觀海詩

寺迥通天都亭高接
海隅潮來疑鳥近野

曠覺村孤多病非詞客狂歌愧酒徒南荒開遠戍萬
里見雄圖龍峯高數仞鷺嶺鬱千盤不上浮圖頂

安知島嶼寬海雲南下盡山氣北
來安幾處驚烽火臨風重倚闌

趙廷松鴈山夜坐詩

朝奉苑中蘭畏彼霜下歇宵吟謝
公詩清歌達明發節換心屢驚年

徂變立髮溪水鳴巖瀨涼風響林樾澗戶映疎星石
梁橫天闕空廬宜留人光景坐超忽美人竟不來西

林照
殘月

侯一元靈巖詩
仄徑重重起看山面面殊書從丹洞秘
峯入紫霄無侯雁雲中斷驚遠月下呼

悠然赤水宴
何處訪玄珠

夜渡甌江詩
溟色渡歸橈長風動沈寥漸藏江岫月
正落海門潮委運同飄瓦全生學綿蕭

江湖易成夢
頓欲謝皇朝

適園咏狎鷗亭
古人稱大隱濼園自堪吏
朱衣亦偶然白鷗莫飛去

影山池
山下水一幅水靜山色起
誰開朝川圖日映清尊裏

侯一塵競渡曲
遠水浮雲不見天畫橈處處旋龍船
誰家少婦輕回首忘卻臨流墮翠鈿

黃一鵬淨社寺觀迎燈詩
火樹連青甸龍燈連紫芝還
因今夜賞憶得少年時谷響

傳歌吹烟光影畫眉支
公能好客更作隔年期

王叔果題范節婦墓石詩
軍婦范氏抗節不污竟斃非
命克孺旣戮旅襯靡歸予擇

地瘞之仍賦詩刻石以表其墓時萬歷丙子春日題
吳門范貞婦隨夫逐戎行有生何不幸備茲荼毒嘗

鸞鳳侶梟獍麟虞匹豺狼欲全志操潔寧顧肢體傷
吁嗟柔婉質居然百鍊剛清風激汚俗浩氣凌穹蒼

埋玉依淨土游竟返故鄉
一杯表幽烈千古楊休光

築楊家滙埭
茲鄉麗海隅河渠故淺小雨暘稍愆期
輒見苦早潦塘埭數潰崩關繫此非渺

及時亟繕修使民亦佚道水衡即司存驚看陸成沼
官司煩督策里甲徒紛擾畚築旣鮮功逝波若傾倒

豈惟魚鱉殃且懼禾苗稿伊予夙明農所憂在百畝
丞徒競勸功聿覩坊庸考誠足惠鄉閭一費何足寶

王叔果張嵒峽中丞過訪暘湖詩
宇內勲猷獨擅雄中
原大雅復誰工鯨波

坐息霜旌外海嶽全收采筆中十載台垣清夢隔一
時尊酒故人同卻從劍合延津後夜夜風雲繞赤虹

遠從海上問幽偏十里青山倚櫂前鏡裏日華搖
組練空中靈籟禱鷗絃烟蘿漫擬愚公谷山水原高

謝客篇鷄黍淹留成日暮少微光映斗牛躔

溫中丞見枉玉介園賦謝司馬輶車下鹿城野人鋤

傲小隊誰令鷗鳥驚雨過千山瞻紫氣風迴大海作春聲經綸宇宙須公力世路羊腸久憚行

王德游寶巖寺詩山溪行幾曲小憇是雲林望入青巒迴談從白社深携壺無俗客單語識

幽禽忽爾逢漁者誰知坐釣心

康從理孤嶼寒潮詩寒潮遙帶海門秋鰲背孤懸佛刹幽翠作峯巒環雉堞金為樓閣麗

蓬邱魚龍水靜鐘聲出星月江空塔影浮舊是東南名勝地遲君歸接謝公遊

送陳京兆致政還白下詩挂冠東去共稱賢天外浮雲意渺然不是逢萌因世

難祇緣弢景嗜神仙琴中白雪驚人調江上青山負郭田無限長干花柳色春風不乏杖頭錢

章元梅鴈山詩鴈山高與海天接海鴈南飛古蕩秋鴈飛一夜渡海去鴈蕩之峯何邃幽四十

九折盤鳥道三千餘尺飛龍湫芙蓉面面削寒玉長使騷人舉目愁

訪柳西小隱詩柳市西頭訪隱翁草堂遙與市橋通野塘流水漁蓑雨村店斜陽酒旆風

玩易乾坤高枕外著書歲月閉門中何當拄杖聽鶯去共醉春花爛熳紅

章九儀石門渡詩萬樹和烟暝千山翠欲浮舟橫春水渡人倚夕陽樓巖屋盤青蔓江沙起

白鷗杖藜何處叟扶醉過溪頭

林宗教登澄鮮閣弔古詩松老祠宮裊兔絲南枝不改撼風悲睢陽力盡還為厲諸

葛身殲欲報誰江海朝宗如有意汴杭回首悵無期洲前蘋藻秋堪薦淚灑當年紀事碑

陳詔海神宮詩王爵司溟渤靈旗繞殿光陽侯驅水怪陰火薄秋霜色晏龍宮寂波平海國康

朝宗來百職劍佩響琅琅

陳鳴鳳游石門詩人世見丹邱天然此洞幽山深藏怪石樹古幻蒼虬玉乳懸空掛寒泉噴

壑流奇觀吟不盡摩蘇紀曾游

李經敕飲仙溪草堂詩

溪上晴雲淡不飛溪頭楊柳故依依園林變色櫻桃熟時序無

言燕子歸山簡未妨回夜馬杜陵何用典春衣况逢海上干戈日直欲誅邪共息機

包容采蓮曲

微風落日動波光掩映芙蓉若艷粧堤畔俱飛兩蛺蝶池中竝起雙鴛鴦相牽采蓮

女遠去花中央蓮花亂粉面荷葉

何白巽山懷白仙和洪從周韻

一磴懸雲鑿翠通山腰清闕化人宮松聲泉響

春容裏樹色河流蒼莽中明月於焉會駐鶴紫烟何處覓飛鴻懷仙三諷洪崖賦八表冷然欲御風

陳明府招泛賜湖詩

秋色南湖惱令君扁舟狎長白鷗羣千峯青送蕭蕭月四野寒

飛莽莽雲客有蕪門舒鳳嘯劍從延浦合龍文無論象緯關今古此夕風期未易聞

宿玉虹洞五夜觀海日詩

杖底星河樹杪縣石牀清聽落風泉日華殘夜生滄

海寒色中峯散紫烟僧在翠微談往事客從灌莽探遺筌風塵一片驍騰意消盡鐘聲五夜前

宿仙巖寄郝明府詩

閒傍支公宿上方遙憐潘令在河陽窗懸飛瀑秋生枕山壓長

簷雨映廊野鶻驚棲風鐸響粥魚催供午林香此中幽事憑誰賞塵外天花滿石牀

集王昭文太玉樓詩

樓俯城陰切紫氛桂尊清賞洽蘭薰曲池天倒華峯樹古洞霞

蒸碧海雲丹壑空青傳鳳嘯晴牕殘墨辨鷺羣好奇况對南州士定有雙龍犯斗文

集王季中冷吹樓詩

子晉賓仙有吹臺君樓遙對吹臺開月明似聽鸞笙度雲白猶

疑鶴馭來源水桃花忘晉魏朝川勝事屬王裴芙蓉池上尊長滿絕勝金莖露一盃臨池一曲縵廊迴

萬柄芙蓉鏡裡開遠近涵清開洞壑高低鑿翠綴亭臺花間片雨新詩就松下涼風急管催酒未辭金

谷數主人不

邵建章芳草詩

門前如織翠烟低夢破啼鶯望欲迷綠蔭苔痕茵乍展嫩連柳葉帶初齊青樓

暮雨侵簾幙紫陌春風散馬蹄自是游人堪醉藉最憐斜日杏花西

登浩然樓詩浩蕩觀秋水長歌倒綠尊虛樓含蜃氣危石潤潮痕落日收江郭殘霞散海門

滄桑何足問一醉任乾坤

劉康社鴈山天柱峯詩

雄山首南戒名區維台鴈莽蒼矯靈標峩峩轟天半閭闔倚隆

棟懸圃接危觀翠微迴日月截崑出昏旦視下亦蒼蒼野馬紛相亂溟漲祇一杯天河揚微瀾伊人排九

關凌空振羽翰呼吸上帝座徊翔武彞幔流霞潤丹府六墩佐三嘆長嘯開浮翳卿雲忽以爛願言躡霞

踪長裾曳霄漢

孤嶼秋夜詩

江上餘霖入烟霧喧阗暗浦秋濤怒萬里西風蘋未來中天明月林端吐琉璃

如淨掌如平帆檣四面竹枝聲清氛乍向桃笙冷爽氣俄驚絺綌輕極目流雲玄影度長天欲雪早鴻征

中貴人采金南方詩

萬國共球入帝廷重聞新命下青冥未央散遣中人日南部遥

看使者星海上黃金無大藥人間丹詔有威靈司農為佐軍儲否今歲徵輸或可停

延綠軒為張叔平題

越山環帶倚雲青吐媚爭妍入畫櫺庭際蘼蕪千里合簷端筠

竹四天冥霞飛謝豹依汀柳雪漾輕鷗接渚萍與客題詩長日眠主人擘素榻黃庭

周應期江心和先太史韻

漫傳世外有蓬萊靈境中流不染埃欲倩羽輪來作楫翻

疑蜃氣結為臺望窮蒼漢江雲起醉倚危樓海色開試讀舊題先德在萬重錦浪破春雷

劉思祖送何无咎赴榆關鄭中丞幕詩

江津綠柳欲生烟詞客從戎似

仲宣明月裁詩憑太華高秋露布續燕然穹廬花蕊春風入油幕葡萄子夜傳折節中丞能下士榆關卻

惜別經年

黃宗揚江心和韻詩

雨過潮生江勢平閒看儘得暢幽情諸天闕鎮蛟螭伏四水雲扶島

嶼輕檻外帆檣飛遠浦鏡中人馬鬧巖城綵峯落照催歸棹輸卻漁翁釣月明

正畧山居即景詩

一庭山百隴真是綺園家
歌砌奄殘雪疏窗宿斷霞
鶯聲三月柳鶴

跡半溪沙問字曾
無客開尊獨坐花

舟夜詩

舟夜無涯景當秋
眼倍青螢光迷曠
野波色動寒星謾謾
占風草遙遙喜雨
亭桔槔喧兩

岸獨客
那堪聽

陳應聘游石門詩

古洞何年鑿天門
此日開碧溪環隰
草幽徑護蒼苔削
玉羣峯秀干霄萬

木培山空飛鳥隱
籟發谷聲回展遍
庭前景詩窮石上
莓徘徊歸去晚明
月照松臺

張天麟晴雪早朝詩

紫微雪散五雲輕
色借銀河氣轉清
霽曉融春銷雉尾
晴烟帶柳出

龍城鎖開魚鑰星
河動風射蛟冰日
月明引領鳳凰池
上客好將霖雨潤
蒼生

陳謙壽題黃文簡御書樓詩

一介孤亭御札留
輔臣僅此寄貽謀
獨賢幾載郎官

薄畫棟飛
燕駕列侯

鄒寅集李侍御園亭詩

長夏園林暑氣清
招邀詞客倒金罍
坐來竹裏嬋娟出
聽到花

間驄馬鳴才子西
園供授簡佳人南
國按新聲銀箏瑤
瑟饒心賞聖世應
須樂太平

張德明悼忠詩

緊惟革除際天意
何分一以昌帝圖
為世開太平一以
立臣極為道扶忠
貞

偉哉卓夫子仗節
首捐生砥柱屹然
立坐障滄溟傾綱
常既標表日月迴
光精乃知有自來
於事長有徵

當其童州日純孝
根天經深夜馭虎
歸呵護賴山靈在
生為烈士在天為
列星餘勁鼓噫氣
猶足鞭雷霆

明也產公里瞻言
跋芳聲采采西山
薇祿以沅湘蘅再
拜寶香麓佇立獨
屏營天風洒毛髮
恍見來霓旌

程萬里山居詩

自與漁樵結舊盟
相邀深入得逃名
莫欲留經宿雨野
芳含笑待新晴不
辭潦倒長為客洞
鶴林猿分外清

謝敬撰雲山寺題壁
雲山高插海門東
路入仙源知幾重
竹雨一林鳴翠鳳
松濤半夜起

鐘醉墨淋漓留素壁
教人錯擬碧紗籠

潛龍飛花滿逕隨
吟展密霧藏山賦
梵

王繼明贈徐劍石之任王官詩

無可留君住須傾酒一盃江山增感慨別去重

徘徊岸柳隨帆拂巖花向夕開藩王多好士驅馬莫疑猜

張純泛湖詩

遠峯別翠媚雲鬟雨後幽花滿日斑隔岸朱樓烟樹裏誰家玉笛夕陽間天光蕩漾

酣華燕風景依稀似故山為憶西湖秋萬頃悠悠畫舫未知還

張鳴鸞送章一山南歸詩

花柳爭妍夾萬川紅雲如繡綠含烟孤帆此去看圖畫百

嘯鶯聲勝管絃久客頻趨金水右到家疑在玉堂前風流我憶王摩詰為寫江南雨後天

李光春江心寺詩

長江倒瀉自天河撮土時興萬里波寶殿當空雙塔峙玉樓高聳六龍過

潮聲吼動風雲會山色橫拋日月梭宋室孤臣千載恨清輝猶染御毫多

張聯芳送何无咎之榆關詩

招賢書幣至握手暫相分海接黃河水城連紫塞雲

檄文勞綵筆兵政試參軍別後關山笛凄清不忍聞

鮑武慶草堂詩

不是耽佳句憐渠友愛情至今荒砌畔草色泛餘清

蔣起隆咏蘭詩

幽蘭馥馥于彼空谷芳草凄凄天

劉士焜萬年寺詩

古寺藏雲壑千峯只數椽小渠行龍下多石蔭龕前蜜熟蜂無事禾登鳥

不喧梧楸深涕淚霜露轉凄然

讀報國錄先編修傳

金陵故主重詞官魁壘丰儀殿

立雪霜寒先鳴稍次方臨海後死無慚卓瑞安闢繹非關孫與祖普天臣子獎忠丹

張陽景元日對雪詩

同雲萬里草堂連鳳曳新泥到日邊一萸初生堯甲子六花卻滿禹

山川欲尋春色梅為地但禦寒威酒似泉野叟歡傳今歲瑞呼僮餽積早耕田

王至京楓聲詩

一山紅樹起秋聲風急飄飄逐遠旌好句溝中題未就斷腸陌上思偏生朱顏

欲老驚秋鏡霜面初酣近赤城為憶楓宸催漏日鳳凰池上聽流鶯

項日葵玉虹洞中夜坐詩

京象崑龍拔地生玉虹西掛翠嵐晴僧開半壁涵天住客

擁千星握月行下界風烟回首盡上方鐘磬遠空鳴與君午夜峯頭坐遙看扶桑日色明

戴宗璠游仙巖詩

寶地尋丹壑春風漾彩舫山容開遠瀑縈飛揚披素練噴薄激春霆樂意同濠濮澄襟契

瀚溟羽觴流竹烟袂飲續蘭亭高會愁難再酣歌莫放醜林光昵宿鳥野火吹沙汀歸醉茗花

腕還翻貝葉經情猶未輟遮莫動晨筵

戴宗璠九日登大瓏亭詩

端居乏騎結羈懷良耿耿借此重九游振衣蒼翠頂心目

頓超豁廓然開境蕭颯沸松濤烹微落雲影遠靄單大江蒞烟迷時共遐覽屬大觀清賞際佳景緬惟

古賢踪風流恍俄頃鴻濛不可遡身世同浮梗悠悠古心此意誰能領

玉甌峯眺望詩

峯頂高無極烟霞自鬱蒸海門丹嶂淵仙頂白雲凝衰鬢逢秋氣浮生問

羽朋謾嫌笙吹縹隻鶴可飛乘

董俊登江心塔詩

萬里微名泛小舟登高誰與賦同游危欄極目千山緲獨看羲輪海上浮

王平世擬古詩

無為稱至治邈矣三古前明剛聖主德悼天配彼天淵鏡庶物表沉斷萬幾先

智不貴察察勇亦忌懷懷虛畏任良弼大畧攬羣賢勿以匪人間母使嗜欲牽業高志愈下時康慮若愆

端拱廟堂上淳化馳八埏秦皇矜衡石隋文侈傳臚本紛徒急未御天反加鞭明察召危亡策紂非昏瘝

與治不與亂此理常昭然明主職擇相蓋臣謹致身求賢諮上治本世荷陶甄陰陽資燮理端揆轉洪

鈞格天稱一德解澤福斯民臯禹與周召青史紛璘璘若彼奸諛輩蛇虺人宮隣國危身俱喪接踵若游

塵丙魏耀麟閣斯高為青燐匡唐有姚宋覆趙惟王秦治必繇君子亂必繇小人開國與承家慎茲戒沉

淪蟾蜍薄太清蝕此瑤臺月大明方揚暉陰雲蔽天闕初若織埃生六宇後晦沒曜靈豈無光昏翳霧

難控宦寺隣居女后相盤紆不紉蘭桂芳偏植棘與樛棘樛棘居女后相盤紆不紉蘭桂芳偏植棘

淪背李唐女詩重畧斯秋獻

楊文聰謁文信公祠詩

祠前古木長龍鱗丞相英風尚
帶辛心捧一誠留日月身當九
死定君臣只須海上三千里已勝田橫五
百人夜雨不勞嫌寥寞卓家地主在東隣

國朝

范承謨行田詩

單車瘴嶺驅中夏千里遐荒度夕陽自
是先公期後樂復緣

聖上

視如傷幃帷戴雨行泥隴使節馳星破曉光每值遙
途全梗塞忍看比屋半流亡芻麥幸不煩民力糧糗
何妨亦自將我黍漫言嘗肯否吾民久未厭秕糠雁
鴻欲集聲先咽鳩鵲相逢色已愴草澤三空寧類漢
桑林六事卻同商瘡仍無凶何山補藹已窮絲不及
忙滿地榛蕪成草昧稽天崩潰竟洪荒老翁行役悲
溝瘠寡婦泣求哭路傍聞道使君生化虎更傳令史
共為狼埋輪已誓從都塚叱馭誰能畏太行饑溺只
今寧幹止澄清於此慰懷望敢云善政能匡植豈為
虛名喜激揚但使鞠躬臣貌瘦寸心聊以報吾皇

王士正寄萬開來永嘉詩

昔有謫仙人清風照寥廓文
采映江表翱翔出東洛遂渡

永嘉來言尋謝康樂康樂不復有但存謝公巖赤霞
自照耀綠水猶潺湲放懷山水外歧脚天地間開元
儵千載斯人杳難攀萬公具仙骨妙筆餘清妍昔者
東萊城岸幘三山前至今海上鷗猶思使君賢傳聞
去金陵秋江正澄清過江富文流盡識使君名牙樯
朱絲絳鹿子趁風汐送君石城頭去作永嘉客永嘉
何菁葱疊嶂入晴空龍湫落千丈海日亂蒼紅雁蕩
七十曲曲曲盡玲瓏容裔玉旣雲搖曳吹臺風齋閣
倚青壁秋香金桂叢風物固洵美定復思謝李把酒
問前賢主賓更相似吾家陸士衡公門稱國士玩世
識踈狂高義託君子自公南渡後結
襪風邈矣長謠寫心胸遠寄東甌水

嚴正矩春暉堂詩

炯炯西堂照月明空齋兀坐悵浮榮
苔生松石如嵐嶂鳥戀花枝到几楹

病類相如頻聲咳懶同叔夜寡逢迎
一官岑寂千山外遂使今兼吏隱名

甌署咏懷

皓鶴寄園林時羨雲間鵠賦性本閒適胡
事乃羈束人生壯盛年有如秋草綠霜雪

不肯遲日月何局促貢子未遺榮疏公差知辱裂素
寫丹經焚香觀玄籙古人如可懷前修以自勗
寥廓恣惆悵惻惻內情傷顧瞻山河道迢遙非吾鄉金
風變時節梧葉送淒涼帝子渺天末湘君水一方前
途既修阻烟水徒蒼茫塞裳不敢涉欲
濟河無航行行復躑躅空迴萬里腸

萬代尙和九日詩

雨後千巒遍蘇苔赤城霞色動人哀
請看宿霧依山盡誰駕長風破浪回

每念東南民已竭不堪庚癸檄頻催挽回滄海真無
策卻憶中流擊楫才小牕展帖意悠然宦蹟偏分

山水邊石壁尙留孤嶼字墨池應記永和年不愁黃
葉霜中盡漸喜寒花雪後妍漫借詩筒銷案牘慚無

佳句答
諸賢

席教事游東山禪院詩

何妨佞佛禮空王喜集同人作
酒狂徒擲年華常作客應憐老

大但爲郎月飾竹影風生韻雨洗苔痕石
發香披露登高秋眼豁海天盡處是吾鄉

楊紹武游仙巖詩

曲水通危磴閒亭掛薜蘿岸高斜照
少松古冷風多畫檻鋪空翠流觴點

碧波平生泉石
志到此一婆娑

嵇宗孟飲大觀亭詩

山亭六月晝生寒夏日登臨騁大
觀城市九峯連斗極海天萬里靖

波瀾羅浮漠漠人家古孤嶼離離樹影寬最是風流
王逸少至今五馬復追歡鹿城萬堞羨名區極目

桑田風景殊松冷荒臺僧戲馬月明華表鶴攜雛移
情山水忘絲竹載酒雲霄坐畫圖海上櫓樓今飲至

也教河朔
醉吾徒

郭演別東嘉詩

水霜凜冽歲將陰執策關河涕曷禁猿
鶴北山孤曉夢樽纍南浦助離吟窮軼

浪有權奇目寶劍虛懸國上心卻羨女貞高不字蘭
馨縹緲洽同岑待詔金門枉萬言知昏擇木類窮

猿可能獨醒聊從俗只是離羣已斷覓藿冷官齋悲
吏隱路迷芳草認王孫眼中不少爨門侶寥落秋風

說舊
恩

李璋試院卽事和韻詩

鎖院深局玉漏寒花簪散髻勝
儒冠霜凝檠戟星文動露浥弓

旌桂影殘來暮聲中新刺史承明殿裏舊
仙宮追隨喜遂龍門願披拂陽春識履端

元旦郡齋和韻詩早厭承明乞郡居公餘還讀秘中書夢回西射堂名謝楊掛南州客

姓徐邱壑小開高士韻琴尊相得宦情
疎九重若使求良弼為報常懸釜內魚

韓則愈楠溪詩楠溪十日游村村皆圖畫修竹帶長松奇石俱堪拜溪水遶屋流石罅自飛酒

靜坐如太古時進父老話鳴吠亦相聞民力亦何憊
長跪前致辭民窮因寇壞賦役不能供負罪良足喟

聞之三嘆息
暮雲黯山砦

廊下詩炎日陟崇嶺僕夫多偃蹇古松挺千尺清風來甚遠肩輿過其下飽看聊當飯村落在何

許遙遙隔層巖偶見
牛羊歸始知日已晚

游大若巖詩萬山看不厭一徑洞中來石壁插天立灘聲捲地迴苔痕侵杖履雲氣繞香臺

煩惱何時盡
經旬醉酒杯

白泉詩深山彌月苦催科迤邐名泉今又過巖壑自然成勝賞田廬其奈盡消磨僅存菽麥聊如

此難緩軍需可若何獨坐小
樓空悵望一聲黃鳥出烟蘿

梅調元江心寺閣卽事斷雲飛鳥共危欄盡日凭高不厭看背客巖花開寂寞媚人堪

竹暎檀欒山移落照層陰合樹擁歸潮夕
影寒獨立蒼茫還騁望隔江一曲笛聲殘

朱彛尊永嘉襍詩斜川九曲斜川水分流到海濱金釵河上月留照浣紗人

青牛塢我行白鹿城曉入青牛塢長嘯不逢人松門已停午

東山判向花前醉何難解緼袍江南春可樂策馬自蘭皋

南亭薄雲雨初霽返照南亭夕如逢秋水生我亦西歸客

北亭日落空水深潮迴春岸白時有看山人江南望江北

花柳塘山雪初銷盡春塘亂水喧州人還幾日相見樂游原

華嚴山

聞昔華嚴寺頻經逸少過
洮河流石研未若此中多

上戍渡

月露下檣烏天風靜江樹
何處夜歸人歷歷沙中語

永嘉元日

官舍紅梅放繁花一樹春
誰憐元日會無復故鄉人

秋日對酒江心寺同高石埭作二首

謝監尋山日江
童擊汰迎寒潮

天外落秋草渡頭生歷覽窮孤嶼道
深樹裏乳酒正須傾驟雨連山暗回風病葉飛入

林初緩帶改席忽沾衣客醉從高枕川
長得斷磯扁舟憐范蠡蝦菜久志歸

夜渡永嘉江入黃畧

絕岸蒼茫水窮山斷續風雨歸
沉黑蠟川暝失丹楓華髮垂垂

短悲歌處處同最憐
中澤裏深夜有哀鴻

雨渡永嘉江夜入柵溪

落日下崦嵫飛雨自崇墉駕
言出北郭汎舟橫江東近岫

既凌細遙岑亦漾籠葱青水竹交乃有樵徑通潛蚪
寒載蟄海鷗夕來雙顧望雲葉開張星昏已中荒岡

響哀欲枉渚遵輕鴻故鄉日已遠川
路靡克終寄言薜蘿客歲宴期來同

文丞相祠

尙憶文丞相當年此誓師計成猶轉戰事
去只題詩竹柏空祠屋牲牢尙歲時鳴夸

他口恨異
代有同悲

王爾俟送姜二濱郡博北上詩

仙韶後夜度關河極日
風烟起嘯歌茂苑新聲

迷玉珮離宮荒草弔銅駝哀時更信情應劇征路
安仁感最多幾度從君思攬轡臨流欲濟奈愁何

周茂源東甌二高士歌

東甌處士洪與何少微先後相
輝映正嘉已還六七朝野夫草

莽操人鏡霍山洪氏真賢豪懷珠抱璧恥見招褐衣
偶上平津閣一日聲名動九霄直使貴人爲結襪還
呼屠狗共吹簫歸來高卧松臺側素琴無絃挂虛壁
銅梁司馬嶠咳公方拜中丞臨海國屏去形騶訪隱
淪信陵惟恐侯生匿相對衡門捫虱談雖不踰垣
稱疾何公晚歲號丹邱少好盧敖萬里游軍諮壻
燕然石客坐憑凌鸚鵡洲自言域內芒鞋遍絳
霜杖底收一牀偃息南村久不慕雄飛貴雌守梅福

山邊好結廬手灌秋菘刈春韭吾鄉微石白石樵夙
昔同心歲寒友丹邱書畫兼擅奇張顛草聖虎頭癡
發似霍山稍晚出文采風流皆吾師兩翁高才不受
爵兩公白髮工諧謔日向花前醉濁醪寧煩海外求
靈藥梅贊臣林弱仙吾歌薤露悼後賢胡為慧業早
生天始知朝槿艷不及冥靈年但學兩翁痛飲豪吟
壽無量何取范
恭須與作卿相

謝包京湯湖卽事

遂與車塵絕茅茨物外懸有來山突
兀欲往水流連秋葉憐衰病春花感
盛年高欄無一事珍重賦游仙 卽此是田家林塘
竹徑斜罷栽彭澤柳來種邵平瓜倚杖移長書開尊
駐晚霞酒然婚嫁
畢五岳未爲除

林占春過黃文簡公御書樓詩

早折天香近御筵高岡
卓識邁羣賢東宮曾奉
筆光日西苑經披五色烟集著省憲垂奕葉船航書
畫憶當年只今風雨荒樓上寂寂春 深聽杜鵑

登鎮川亭詩

亭勒明宣宗賜先錦衣詩 陟磴攀蘿
覓勝踪悠然高望見春容林巢朱頂千

年鶴樹影丹青萬歲峯標
翰日華重先朝事往恩還

林健林節母詩

羅浮之山何
雨三春薜荔

仙亭雲影亂陸離宸
後起何緣慶再逢
從水色山光照梁棟烟
冰霜五月華嚴洞母也

草堂依其下竹筍江魚雅仙仲晨來理髮雲滿梳板
輿顧盼顏尙頽憶昔莞蕩守空閨猿風鶴霰其淒淒
秋墳寂寞西書鬼遺孤索飯正驕啼殘機札札金威
起寒窻伴兒讀文史蟪蛄叫月夜四更短被無綿冷
於水咄哉賢子絕世才蚤歲聲達市馬臺湘靈曲成
瑟未歇沉香詩就花半開年來奉母山之僻面面笑
蓉安四壁任俠常辭公子金清貧不受郡縣檄母也
處此益怡曠青裙鶴髮鳩頭杖間看少婦換新鞋笑
指諸孫託賈相只今初度羅芳酌酒波斜拂桐陰瘦
夜向銀渚禮天孫不乞巧思乞遐壽登堂有客皆令
望霞觴稱拜盡鏘鏘綠衣獻
頌者誰子年少未坐杜黃裳

侯思炳舟次石門同友人詩

羣山夾水一孤舟雨過蟬
哀動客愁無數野雲飛落

日不堪江月泊澄流杯斟石影峯前醉枕受泉
聲夢裏幽此夜寂寥君莫問風檣原爲謝公留

楊兆岳上王納言詩白髮先朝獻納臣林間高卧幾經春符分南國甘棠遠星聚西園玉

樹新山鳥誤驚長樂漏荷衣喜斷洛陽塵何須漢王金莖露已得逍遙物外身

陸舜飛雲渡詩百尺飛雲渡晴飛滿渡雲滄桑四時變閩越一江分海色陰還見邊聲靜不聞

莫言春汛早廟筭正殷勤

梅潭觀瀑題壁山顛碧流水瀟洒落紛紜天半不知處空中時一聞捲來千尺雪春破滿

潭雲靦面飛梅雨陰晴總不分

姜希轍梅雨潭詩澄潭飛匹練一鏡兩崖開絕壁輕雷下青天急雨來春陰寒白晝山氣近

黃梅歎息題名者尋幽破草萊

游白巖山房詩芙蓉池館北山頭小築烟霞足勝游瑟瑟楓黃迷海嶠輕輕鷗白散沙洲

銜杯客醉西園席倚劍寒生南國秋盡日不堪潦倒去空留明月鎖南樓

華蓋山詩華蓋秋高逼絳河仙房自合在籐蘿三生翠石千年在可有吹笙駕鶴過

張士和送友游吳詩長歌舞劍對離杯愁思臨風不易裁越嶠雲山孤騎遠洞庭烟月片

帆開藏名莫效壺公隱下榻偏宜孺子才卻憶姑蘓佳麗地遙知懷古一登臺

張之琦歷仙巖諸勝詩林深迷客徑遐勝著新題日暖梅花放風和柳葉齊泉聲雙玉

澗樵唱半丹梯暮靄浮琴嶼晨鐘度虎溪翠微凌絕壑綠巘隱招提洞古龍蛇蟄峯高日月低澄波涵塔

影皓鬼映山蹊心遠雲堪臥門間鳥自啼超然忘世慮便欲卜幽棲

陳光前一線天詩謾言寸管識天機洞口今窺一線微細似初弦雲畔月光如半吐蚌中瑛

寒來風雨穿林少夜分星辰入目稀策杖層巒尋絕勝空山蒼翠滴春衣

鴈字詩長空飛繞墨花香疑似名山發秘藏捧向琅函移斗柄載將玉楮射天潢迴文爛織天孫

錦琢句新裁雲漢章更愛荆南烟景異秋詞歲歲寫瀟湘

林齊鐸陪萬兵憲飲陳中秘宅賞瓶梅詩

清標如在玉堂中瘦影相

看酒不空分自嶺頭香拂幌寄來隴上冷欺風人方何遜詩偏逸客似元龍賦獨工安得琴尊長作侶漫

隨短笛逐飛蓬

王國泰陪使節巡查留題玉甌峯

策杖登臨幾萬重凝眸山際適相從秋風

躡屐來晴壑皓月依人上晚松飛瀑恍疑烟雨至流虹渾似斗牛逢天台作賦空翹切回首雲籠玉甌峯

游鴈蕩詩

五年憶踏龍湫地今日方知鴈蕩幽自入山林尋勝跡卻疑身世出塵游眼前紫翠

觀無盡杖後烟霞探未休不識何時重過此謾將巖壑編題留

劉德新東甌懷古詩

山城花滿惠風和華蓋浮烟積翠無波四堂每憶吟詩夢南郭猶傳載酒

過刺得高賢遺韻在鶯聲囀處襍絃歌

羅浮積雪詩

碧峯孤峙自秦時積素凝華照水湄冷艷乍飄于萬絮寒光競壓兩三枝江梅

放處添山曉海汐浮來落月遲如向嶺南觀勝槩玉人林下露冰肌

汪燠游玉甌峯詩

有亭余有事白石守戎陳公惠願同作玉甌之游時值微雨奇踪仙跡

多未披覽晚霞醉石曉日落波山靈若或闕之雖一時憾事然海澗山空一望千里雲移霧捲變幻萬狀

洞口高談警咳儼從天落又一時快事也遂賦一律以紀其勝云色燦瓊瑤香漢中峩嶷積雪此差同人

登曲磴雲為級佛坐深巖石作宮共對閒心山鳥寂遙傳清磬海天空李仙丹竈能相借玉甌吹烟萬嶂

紅不信人間玉作峯誰將巨斧削芙蓉霧浮遠岫疑吞海雨過殘雲欲挂松石激連珠千丈瀑谷鳴孤

如接身在塵寰最上重

任右君同汪郡伯游江心寺詩

壽景輝輝射遠沙曝翎

依山轉村舍孤烟隔樹斜白首宦途情久倦滄波吾道興還賒仙舟喜共偕心賞正是風流屬謝家

翁應春賜湖春曉圖詩

層峯閣渺沈濕雲流其端空青浮遠影獻酬幻殊觀霧深花睡

足春靜水光寒東望扶桑枝晃晃煜晴巒沉幽屏息
去物情相與歡誰合枯朽株簇如萬錦攢誰合桃李
蹊護以百寶闌遠風翼良苗高岸贊崇蘭暖律數聲
曉急背紫煙蟠羣心有餘飫化工何瀟漫沐浴光霽
中巡花
日盤桓

孤嶼詩 問渡中川寺山間亦水間雲來雙塔動潮落
一舟還別浦青燈香孤城畫角間林深藏小

利盡日
檢松關

八公洞詩 洞陰常寂寂坐聽水聲喧春去花無主雲
來石有痕真入留藥籙小隱樵柴門空翠

生襟袖
籬長竹孫

杏花詩 燕子歸來日期尋杏花香農書仍樹麥時紀
每逢菖宴想爭春羅莊思碎錦坊如何朱陳

里寂寂
共紅芳

徐凝君子行 夙昔佩詩書自命為千古日誦萬餘言商
歌滿蓬戶左氏來國盲纂述擅鄒魯靈均

小纍巨騷雅著荆楚鄒陽與班馬咄咄何足數矢口
翼六經匪惟侔訓詁範身禮與義私淑於孔父何為

見呵斥時俗鄙章甫冉冉窮年中側
惻恒辛苦魚目壓夜光瘿瘤驕眉嫵

秋懷彙草 十首選五并序凝生不辰數罹亂難流離
困苦抑鬱無聊故其詞嗚咽愴惻觸緒紛

來或泣或歌不倫不次用檢舊草彙而成集旨實同
平七哀言遠愧夫九辨匪以侈觀聊用志遇云爾

南鎮東陸甲未銷九天兵氣黯鳴刁地非積裏紛駢
馬騎是回中舊射鵬稚子學吹秦箏策孤兒思隸漢

嫖姚何當結伴春郊望桃李芳陰有翠翹魚鹽沃
野號通都風物如林表海隅賈女衣裾烟似縠鯁人

宮室月為珠驕嘶白鼻春燕遠艷唱烏鹽夜漏徂一
自江流供飲馬幾看瀉鹵沒黃蘆金天蕭颯羅飛

籌短嘯長吟起百憂谷口遺民依虎豹道旁古廟坐
鴝鷓霜高秋共黃花老風緊天連白鴈愁聞道下江

輸輓急瘡痍何以緩徵求 拔劍誰當擊大荒攬衣
四顧極蒼茫狗偷市井紛軍壁蝟劇東南半戰場阮

籍詩篇裁憫亂子山詞賦記思鄉川原杳杳稀行李
草樹搖搖自夕陽 暝色荒涼望北村年來人事不

堪論九原霜露無松柏一夕秋風冷墓門谷口何時
歸吊鶴燈前把淚續招魂流離瀕海皆如是處處吞
聲聽斷猿

包文愜立夏前一日江心寺卽席分韻詩中川巨浪接
滄溟詞客新

晴載醪醺樹色遠含江上碧嵐光近沐雨餘青已黍
梵宇瞻遺翰轉謁忠祠讀舊銘此日名流成雅集莫
將身世

嘆浮萍

鄭應魯前題詩右丞騷雅競躋攀初夏招尋孤嶼間此
日江天開曉霽昨宵風雨送春還千層

塔影疑撐漢萬里潮聲欲撼山詩
就不知烟樹暝猶同呼酒對潺湲

林兆斗春草池詩紫馬行春後荒烟沒舊廳惟餘池畔
草猶帶六朝青 政暇招賢講千秋

絕後人一池書帶
綠歲歲為誰春

宿孤嶼詩醉坐中川典倍濃斜陽倏變海天容雄風
響過千林杪急雨喧行兩岸峯塔迥危巢

愁鳥雀地寒安樹傍魚龍夜濤
春枕難成夢不覺江城動曉鐘

一孫女封股紀事詩髮膚受父母古訓戒毀傷聖賢
懼滅性以此慎其防豈期少小

暮膝下鮮鴈行一兒與一婦年俱四十強舉二男三
女婚嫁尚未遑婦歛遺奇疾平地動欲僵怔忡間驚

夜眩暈昏莫富身如翻風鳥竟如簸浪航耳鳴徹盡
現藥每窮扁倉寒暑間三易救治經百方誓蔡靡不

羊阿金僅十霜執手相告語感額心徬徨日母病已
篤未試惟股湯妙持小刀呼妹妹捧爐香相將閉高

閣交禱向彼蒼姊齒左臂肉割血下淋浪妹握爐中
火想為塞其創塞已旋抽刀自割尤慄慄須臾昏復

更遺血染衣裳相戒秘弗語忍楚下樓房陰携兩片
惟婉容勤母嘗一啜二豎去不得入膏肓自此漸加

餐就枕亦少康阿伽及浹旬惡氣發故瘡沐不能握
髮力不勝提筐舉家問其故答語具若伴荏苒半載

詩

餘殊不露毫芒阿金遜溽暑袒裼忘蔽藏起居伴祖
 母中夜同卧床輾轉出鮮癢墳起簇而長母疑詰再
 四觀縷迹其詳伊母竊聞之奚啻刃割腸但解生女
 悲不信同藥王長女年二八激切或其常如何十歲
 女錫鋒甘如饒乃知至孝心幼穉賦維皇高高雖在
 上可格維天良粵稽古秦氏姊妹重洛陽鑿腦剜股
 肉活父於瀕亡至今數百視雙名壽表坊吾家二孫
 女差足與頡頏援筆志其概隱行庶以彰匪敢事虛
 飾于以
 要旌揚

徐益哲江心寺詩

江上何年寺孤峯涌水中不為雲隔斷猶可望相通仙島原非近蜃樓恐

是空岩民隣彼岸清磬一聲向

呂參誥遊慈引菴詩

曲曲山腰竹木稠普天溽暑此間秋調猿石畔勾留久飛沫侵衣濕

未收

谷誠送徐郡丞歸彭城詩

桐花爛熳燕爭鳴此日雙旌出鹿城千里專城賢太守六

年廉吏舊書生携來琴鶴渾無恙別去兒童共失聲屬在垣墻叨樾蔭陽關唱徹倍含情

謝天埴江心寺詩

誰將拳石屹江中不與塵寰烟火通三島支分仙子宅六鰲背負法王宮

雲翻塔影浮波面潮帶鐘聲過海東共道老龍眠欲起須臾雷雨滿長空

薛英辛郊途歸東山草堂作

選侍披圖盡漢宮金釵院院倚春風明妃共指傾城色誰信丹青誤畫工時主司知浙東有谷誠力搜

其卷不得比拆號已為某房考所抹矣因感其事寓

甲秋山心鷗月詩用王梅溪九日飲酒韻

中秋孤嶼攜樽酒占

却倉真千萬畝浮雲淨掃太虛清皎月一輪懸海口
 主人家與壓江波預卜佳辰集羣友老樹風生野鶻
 驚危磯潮雜蒲牢吼臨江縱酒呼明月酒落杯中月
 香手河漢聲流宰堵高直欲振衣上牛斗古人已往
 會能述來者紛紛續其後海外神仙亦浪傳人間良

不故小空科過
此還期九月九

邵家默仙曠寺詩

湖色秋來深更碧
山峯雨後遠微青
舟移草岫雲迷寺
人到松門水繞亭

細宇蕭條僧供寂
上方信宿珠清絕
野鳥寒泉醉後聽

開元寺看菊詩

雲淨天高暑氣微
僧軒盡日坐清暉
青山入座秋來瘦
黃菊穿籬雨後肥

露下傳香知逸品
月中拈笑識禪機
柴門莫漫教頻掩
萬一携尊有白衣

林文煥五老峯詩

霧作鬚眉雲作衣
睢陽酬唱已全非
不知何日來空谷
貪看靈峯不肯歸

周天履次韻江心寺魯菴上人詩

春風十載阻披襟
樽酒憑誰吊陸沉
兩岸

蒹葭愁朔吹中川
烟靄冷禪心
僧來有地曾堪借
帝出無家此一臨
千古悠悠流不盡
暮帆收處渚花深

夜坐用杜魁先韻

起看空山月幾更
抱琴閒向石床橫
一時琪樹生天籟
萬里銀河徹

太清鷺宿芰荷香
處穩螢飛衰草暗中
明高敞且待東方白
人事朝朝明發幾生

林鶴遊江心寺詩

如築當中萬丈樓
海邊明月得先收
巖尖挿影靈峰走
四鬱沉輝玉璽幽

屬氣不寒文相廬
車塵自掉謝公頭
試身天半從容識
一砥狂瀾秋復秋

彭啟豐東嘉禱題詩

海風吹雨一時生
十日濃陰不作晴
華蓋山頭花鳥寂
占晴惟聽鶉鳴

鳩聲飛震臺榭女
城間窈窕峯巒妙
可攀欲訪謝公游
屐屐勝烟霜高竒在
東山羅襦錦繡耀康
莊拂拭機絲闕俗散
孝女鷄鳴便成布只
今人說浣紗坊

繼響唐音號四靈
一編風雅振東溟
湖源誰似東嘉首
刻露能開山水形

大龍湫歌詩

東甌夙稱山水窟
西谷龍秋最奇絕
濤奔百丈下銀河
簾掛千重噴素雪
翻從

凹井挂高空
隨向天風經曲折
如毳如布迭彌漫
非霧非烟歛明滅
聲疑鐵騎走空壕
影似蒼龍起神穴
遊人佇立向潭外
亂洒襟袍凜寒冽
頃刻盤桓百換形
忘歸亭畔難輕別
犀牛獅子瑞鹿眠
天柱剪刀卓筆列
百二峯巒柔尖欲
往尋之路喘岬哀禽
呌樹聲慘悽伏獸
投林狀蹙躡顧能仁
認去踪綠蘿蒙

密流
泉咽

訪王梅溪讀書處詩 學士才名久擅場珠宮何處訪
書堂海天一角繁華郡猶唱新

詞十
八香

洪龍憩仙巖古刹 金風滌暑正清秋聞道靈巖暫寄遊
翠岫嵐開高塔聳長橋虹映百灘流

仙翁勝跡餘丹井學士高名著古丘
如此溪山真福地頻教來往一停舟

陳敦讓遊靈雲寺詩 湖海隨人響林泉且自安惟携太
傅屐不着少陵冠緩步梯丹嶺長

歌度翠巒纔觀風葉舞已見雨花壇寺僻乾坤靜山
空天地寬一塵無復染六月有餘寒
覲院向靜中立更

紛澗底蘭竹林遊晉士松樹列秦宮獨向靜中立更
來開處看危巖懸虎豹古壑激流湍高卧北窗侶橫

鋪向澗干夢時飛見蝶覺後嘯聞鸞因卷青浦席為
循白石欄映階唯碧草拂座盡青檀神焰騰螺頂慈

雲擁象鞍錫邊飛鶴掠鉢底伏龍蟠佛語蓮花藏經
堂貝葉攤見顏驥叙別把臂輒交歡下榻參牛乘烹

茶隱鳳團辭源驚倒峽舌本訝翻瀾粟顆藏諸有針
鋒破萬難賦詩供笑傲覓句嘔心肝笛弄梅花調棋

敲楸木盤倦施紅琥珀間數碧琅玕消渴流霞飲充
餓煮石餐翻經誰是謝作序我非韓落日深山暮歸

雲透照殘嵐光迷樹杪風透覺衣單欲別情
難忍言辭興未闌歸心猶戀戀溪水自漫漫

張元彪登東山懷謝公詩 振衣躡東山徘徊陰崑畔耳
目謝芬瓊峭備適幽玩雲萼

霽猶濕水池暖初泮樓疑停舫山作當窻案游絲
骨落花裊裊風中斷平潭織輕縠行行文魚貫鱗次

郭中屋烟飛炊晚爨漠漠失低簷轟轟露高觀縱非
鰲極跨幻作蜃樓看矯首眺飛鴻冥冥入香漢人物

既代謝俛仰發長嘆緬彼永初年有客弄柔翰遷斥
返窮海龍媒愁羈絆負荷丞初業龜定淮南難諄諄

頌祖德志氣何精悍講書陳訓典藝柔條幹軒冕
惡繇塵林巒喜奉幔默默思淵沈稜
稜愈風岍嗟哉春草吟無乃廣陵散

大道詩 讀王陽明集 大道豈無岸寸心那得寧圖
書天地筆日月鬼神形法象窺真宰辭華蝕

性靈靜中生
好獨對萬山青

朱邵基干系歌

并序癸酉六月十三日
甌海進番船一隻有地民周全喜者能通番語使往詢之名龍番教魯那羅係干系騰國人干系分封在呂宋國之下為判事官名阿里間麻油係三品地方為太賢世賴官五年將復命於呂宋被風至甌船載男婦番日五十有二人官衣銀絲着帽佩刀携杖以為階秩監司守令親往留置賓館撫卹倍至以符柔遠之意考明史佛郎機亦干系騰國所載狀貌儀節與今相符因為歌以紀其事
聖人有道懷殊方萬派朝宗波不揚重譯而至古越裳貢使不絕東西洋日本呂宋干系騰地接閩浙如鄰疆適有判事被風至大小番日咸倉皇使君遣官遠存恤懷柔常例尤加詳番人拜舞先携手以深語盡銀絲裳驟言妻子皆感激番俗亦復重帟房乃出文憑兩三幅塗繪口本干系王尺一簿籍寫生紙字若秋蛇斜作行森森寶刀能切玉琉璃滑簾生秋涼譚囂耀美重佛齒裹頭椎髻相矜莊更有淡芭拔絕好捲葉然火網縕香驅使黑番如服鬼叱詫奔避頻騎墻
制軍自闕遣

賴祿盡譯其語奏

帝旁願祝
聖朝有道長德化
久已被遐荒

朱惠雲游龍湫背詩

一峯廻繞一峯巔
直立龍湫背上
人歷亂川原分野色
迷離溪樹帶
村烟神州鶴羽橫
秋水空谷鮫珠灑
碧泉奇幻應從銀漢
下恍疑身傍斗牛邊

蔡宏勳宿寂光寺詩

鹿苑遠塵寰
香風透徃還
僧依修竹靜
客對落花閒
水冽階前井
雲浮戶外山
清宵聊假寐
皓月鎖禪關

何應溥留雲亭詩

翠色涌東城
華蓋連積穀
古洞飛丹霞
仙踪留白鹿
登臨暢襟抱
視聽豁
心日海影三千尋
人煙十萬屋
劉根逸駕遙
謝客清風穆
雞嶺懷青夢
龜池披紫蓼
山川不改顏
雲物長如沐
舊址一朝新
孤亭相望
臺七星
聯絡纒九斗
儀形肅不磴
上層層
松濤起謾謾
凌虛接太清
聳立迎東豈愛此
不時來倚杖
留雲宿

鮑祖幹李郡伯九日招飲中山亭詩

底用菜莫問古傳官中事舉得蕭閒

黃花肯學陳祠部烏帽應陪謝小山斜日到檐除酒地晚風吹鬢出詩斑却疑海嶽菴頭坐看點烟雲不

遠記

何森江心寺秋夜詩

何年浮海至此地有蓬萊圓月秋光迥澄江夜色開仙人吹簫去神

女弄珠來靜裏一聲磬塵心首重圓

雷鉉遊江心寺詩

東眺攬勝出城闔孤嶼蕭疎絕點塵鐘磬遠颺空宇靜林巒環映晚霞勻

一江清影心如水十月輕寒氣似春文卓祠前同下拜中流砥柱仰斯人

張元彪寓羅山楊溪寺詩

六

龍巖各亦有雙藤自鎖門老養靈鷲呼童更荷金鴉倚白弄石風流太古山中歸鴻聲帶去年秋塵空豈

川多事流鶯頻繞夢倦人天氣又登樓 悠然踪跡落閒近乍醉情懷復乍醒字向片雲摩滄蕩詩從千

佛借空靈林深過虎羣鴉噪潭近歸龍夜雨腥笑倒藤棚盤石下又據諺語補農經

入粵五首

為問天南路透迤度嶺來城遠鷓鴣展門啼不斷飛上越王臺 薄宦滋遊興行行到海隅樹

穠成粉蝶鯊老化於菟蠻女朝採葛江童夜採珠斯人不可棄相對鄙吾徒 日南有海島中住葛天民

苦草藏為藥杏林伐作薪龜書占氣候鷄卜定儂人隔宿春醅熟呼兒將比鄰 南行不覺遠地盡半隅

空山仄晒黎母潮平擱海翁黑雲猿嘯雨赤日鳥呼風夕先成相習鄉音已漸通 兀坐屏人事啞啞作

越吟蠻烟江柳卧瘴雨寺樓深靜鶴亭貪啄定猿自叩心會從彭澤 宰一撫無弦琴

王又曾東甌王廟詩

接壤無諸國分茅異姓王報讐還越記轉戰裂秦疆氣直吞江海功

真定虎狼東南思舊德棲洽肅丞嘗

永嘉四咏

龍鬚席細織龍鬚草頻穿鳳眼梭寒林斷

波一重吾可坐誰較侍中多

竹絲燈碧篠批成紙

輕籠織似紗細塗丹漆薄密映鳳膏斜

眼小偏窺醉

風多自養花誰家新娶婦雙引六萌車

鷄鳴布堂

上慈親膳江邊孝女魂身軀代見婦纖手澈晨昏

絮裝多暖紅花染漸繁春深簷閣曉重刷嫁時袍

甌巾一尺甌江水盈盈剪一方從衡園作格采碧案

成行几淨鼓棋可着温拭汗

方趙恩江心寺詩

岩峩古刹景涵空四望凉生大海風

天低水面疑浮碧日射波心似落紅

共美登臨無限興與清秋江上仕飛鴻

孫擴圖東山懷古詩

獨坐東山懷謝客吟心合與古人

本根池畔詩魂呼不起夢中句意至今

存從朝蠟屐新晴後一上峯巔望海門

登飛霞洞詩

楓林黃嫩柏林嬌乘興尋僧問酒瓢山

且列犁牛背峰好疑迴倩女腰薄

醉人扶陰磴滑天風海色晚來潮

周雷中山書院詩

江城窈窕凌青蒼太守與賢闢講堂

中山一阜迎江水清空掩映烟波裡

片石卷山氣象多上有萊松拔地起

蒼波黛色磨青銅老幹樛枝掛

窻祀書堂面背隱從龍中山遺迹景前踪

吟韻書聲風送響好將逸調譜絲桐

池邊亭榭圍修竹縹緲插架供探讀

讀書之樂果何如綠滿窻前山在日

松風悟月常相照列舍長廊自清奧

達官致治當閒暇肩輿輒過鱸庭下

此邦人士欣得之歎息公直愛士者

遠追鹿洞與鸞湖雅化漸摩澤自舒

行看雲霞蒸蔚色爭輝輪奐拓規模

愧我樗疎持講席留題獨乏如椽筆

趙鎮中山書院詩

鹿洞鸞湖迹已陳蜃江傑構又嶙峋

五夜奎芒寒鳳味中山松老作龍鱗

使君雅意文翁並夏屋梁渠好樹人

朱葉瑛中山書院詩

高樹摩空雲漢光軒軒講院倚青

蒼十年人沐黃公澤四庫書陳白

鹿堂午夜吟賡春草韻晴窗硯染墨池
香萊峰岱嶽長輝映海袖江楓總作行

張正宰題郡尊李公中山書院詩

越絕千山擁上游
江如掌久安流萬家

綠樹浮春郭一朵青蓮照郡樓
三舍日依門弟子五城旁帶古諸侯灑將道德金壺滴負末橫經總有秋

青山懷古

大羅一柱東南障暮壑
技岑萬派分天馬峯頭懸匹練浴鴛潭上响流雲猶斜燕十王家

卷不撼毗嵒項氏坟西望姚
溪精舍近萬竿寒玉勒遺文

方鴻勛孤嶼紀遊詩

仙梵凌虛景自幽登臨圖畫望中
收海門日上千峯曉山寺風清六

月秋四壁光涵天上下兩峯烟澗樹兀
涇相看欲作中流砥莫禁狂歌汗漫遊

陳開基中山書院詩

中山山在九斗中巋然獨面君子
降河如卦畫繞太極四邊秀挿青

芙蓉鱗次榔比十萬家神物出此開鐘鏞
隆者為阜窪者沼紆以廊廡亨以宮請業請益繼晨夕書聲琴韻間松風舊日儒志東山蹟賢侯開闢軌前蹤鷺湖鹿洞誰肇此永嘉王謝蜀文翁

王達齋制軍登揖峰亭即事詩

重到甌江節屆秋揖峰
覽勝城高樓片姓遠影

雲中見古寺遙看波上浮康樂當年稱縑籍元龍此
日繼風流敲詩默會禪關妙滄泊襟懷意氣接公
餘寄興海濱樓回首春明話舊遊九耳聲傳萬壑
三山楓落江秋談心入穀情逾暢味道忘幾意更
投番老歡場惟好友
繁華無夢竟清幽

詩餘

宋

王十朋十八香詞點絳脣

異香牡丹

亭院沉沉異香一片來天上傲春遲放衆
卉咸推讓憶昔西都姚魏聲名重堪憫

悵醉翁何往
誰為花標榜

温香芍药

近侍盈盈向人似笑還無語牡丹飄雨間
作羣芳主軟質温香剪染勞天女青雲

暮花前歌舞
有個狂韓愈

國香蘭

芳友依依結根遙向深林外國香風遞始見
殊蕭艾雅操幽姿不怕無人采堪紉佩靈

均千載
晚遺芳在

天香桂

仙友蒼蒼西風吹散天香好暗飄龍腦金粟
被頭小誰種丹霄造化真堪笑學

仙踪謬有似西河老

暗香梅

雲徑深深北枝貪睡南枝醒暗香疎影孤壓

明浪靜深憶林和靖

冷香菊

霜葉鮮鮮野人開徑親栽植冷香佳色超得

花辭職古有陶彭澤

韻香茶蘼

初蓋重重玉錢滿架春光晚韻香清遠暖

隱故人不以誰為花評論

妙香薝蔔

毘舍遥遥異香一種馳名久妙香希有鼻

友十花為偶近有江西字

雪香梨

春色融融東風吹散花千樹雪香飄處寒食

枝春雨惟

有香山句

細香竹

秀色娟娟最宜雨沐風梳際徑幽香細草滴

竿相對不減王猷愛

嘉香海棠

疎蕊垂垂嫣然一笑新妝就錦奇前後燕

透細薰襟袖不止昌州有

清香蓮

十里西湖淡妝濃抹如西子藕花簪水清淨

盆池水十里西湖似

艷香茉莉

畏日炎炎梵香一炷薰亭院鼻根充滿好

遠勝鬢不見喜見瓊花面

南香含笑

南國名花向人無語長含笑緣香囊小不

詩餘

三

道一經品藻
又歷前詩倒

奇香蠟梅蠟色梅英天然香韻俱非俗蛩馳蜂逐窠
在梢頭熟巖谷深藏幾載甘幽獨甘幽

獨一經品已
高價傾蘭菊

寒香水仙清夜沉沉攜來深院柔枝小儷蘭開巧雪
裏乘風裊温室寒祛旖旎仙姿早看成

好花仙歡笑
不管年華老

素香丁香落木蕭蕭琉璃葉下瓊葩吐素香柔樹雅
稱幽人趣無意爭先梅蕊休相如含春

雨結愁千緒
似憶江南主

瑞香欄檻陰陰紫雲呈瑞餘香凜捲簾歌枕香遍幽
人寢入夢何年廬阜聞名檢風流甚阿誰題

品喚作
薰籠錦

温州府志卷之二十八上終

